


樓亭詩集
乾

5241.49
2440
v.2

BERKELEY
LIBRARY
UNIVERSITY OF
CALIFORNIA



永川

面川永

嶠南樓亭詩集卷下

朝陽閣

在郡衙南

清溪石壁抱州回更起新樓眼豁開南畝黃雲知歲熟西山
爽氣覺朝來風流太守二千石邂逅故人三百盃直欲夜深
吹玉笛高攀明月共徘徊

圃隱

白雲黃鶴幾時回二水三山次第開崔灝風流人不見謫仙
才調客重來登臨千古復千古離別一盃又一盃為被主人
苦挽袖朱欄徒倚醉徘徊

四佳徐居正

白雲黃鶴幾千秋為愛青山不下樓吏退庭空無一事夕陽
鷗鷺下汀洲

栗谷李珣

珣

浩然亭

瓶窩李衡祥所構在朝陽閣西

十層巖架二層樓
眼底長坪小似舟
縞帨虬蟠青石甃
翠鬟螺黛白蘋洲
朝霞樓席錦光襲
霽月篩空玉色浮
多謝地靈容物累
浩然亭上浩然遊

原韻

亭亭亭

明溪鄭好義所構在石洞

水滿方塘鏡面平
秋深八月玉花明
亭亭碧蓋欹還正
箇箇輕珠圓復傾
淡影隨風來几紫
清芬帶雨入窓櫺
靜中合友馨香德
對此披襟會我情

原韻

風乎亭

壑窩徐惟岱所構在鳳洞魚川上

暮春花柳貯清陰
短架仍成壓澗深
活水源頭來不盡
好風

大昌面

亭畔取無禁，經綸魚鳥猶多事。談笑溪山以永今，千古重冠
沂上興。憑欄逢日欲生襟。

原韻

徐君亭子碧山陰，柳青青草色深。月檻聽泉流不盡，風樓
理韻興難禁。韶光天地應無古，樂事溪山覺自今。却憶舞雩
風詠意，歸來千載灑余襟。

南窩鄭東弼

忘懷亭

芝山曹好益所構在五芝山下

步倦梧頻據，明窓一炷薰。溪喧妨寂寞，花落厭紛紛。谷小猶
留鳥，山殘解釀雲。年來衰懶甚，世事願無聞。

原韻

枕山亭

屏厓曹善長所構在細洞

物外烟霞野地閑，懸厓壁立翠屏回。巖藏奇勝經千古，地拓

蓁蕪聳五臺始識青山前後面更省流水古今來衰翁五十
閒無事風月溪山去又迴

原韻

洞天寥朗勝觀開十丈層厓一面回埋沒幾年歸逸士藏修
今古築奇臺山存本性蓁蓁美澗有深源滾滾來欲識箇中
真意味不妨遊行去忘迴

涵溪鄭碩達

靜樂窩

默庵曹翼漢所構在江面

小屋經營久今省結構成排簷憐竹細繞砌聽泉鳴峰聳朝
曦晚林深暮靄呈翛然終日坐方覺老禪情

原韻

竹塢亭

竹塢成夏耆所構在五吉里

童心靡定似奔駒不早養焉焉率軀言行一篇做士訓雅風

紫陽面

三百感人謨學循序處真功
得心勿忘時業大圖更願諸君
須勉勵青年光景不留吾

原韻

此君風骨玉相連托祖生孫覺
了緣窓外暗香梅半坼席端
斜影柳三眠規模愴昔心猶記
結構優今矚反賢最是籀龍
乘雨躍溢林豪客倍脩然

瓶窩

江湖亭

湖叟鄭世雅所構在紫陽

萬山環抱一溪頭數架松簷夏
似秋觀物愛吟閒裡句傷時
難見醉中愁生涯草草隨雲冷
鄙吝輕輕逐水流蔬食只能
供我飽更無思慮任浮休

原韻

鄭老逍遙地蒼屏護綠苔東風
故人淚斜日獨登臺
蒼石

三休亭

三休鄭好信所構在龜尾

堦下灘聲入枕簾四圍千嶂翠屏連林間自絕塵紛到身上
何容俗累牽佳句吟時懽有客芳樽傾處愧無錢方知二樂
多真趣這裏能明動靜權

原韻

早嫌人世坐針氈東海高風慕魯連駕鹿登山瑤草掇編茅
補屋碧蘿牽遊神造化盈虛窟牙眼司徒百萬錢無盡休休
安樂意老鋒慚拙棄胎權

西岡全三省

玩龜亭

玩龜安嶠所構在道洞虎溪上

面湖琴

金馬何嫌上策遲此江無主亦非宜玩龜自是觀頤事飲酒
方知得意時東畔野延河畔逐北邊山走日邊馳潏潏一帶

凝江水不及雲門萬丈奇

南真

人間爭誦鳳凰吟一字從知重萬金
欲舉藍輿那易得雙溪迢遞碧雲深

鵝溪李山海

雲深亭

一庵曹宋臣所構在佳野採藥山下

小亭閒自適何必要人知夢裏親懷萬書中遇孔義松琴時
送韻澗月更添奇六六春長在優遊詠採芝

原韻

西湖亭

蒼來曹秉韶所構在滄洲上

晚得江湖近在西翁來翁去夕陽低
兒孫擁後魚羣出兄弟登高鴈影齊
覽物無關榮且辱忘機一任躍兼啼
經營始就身先老還笑人間幾日棲

原韻

居然亭

退庵曹秉文粧點在漁隱洞

居然泉石古今同堪愧茲區作主翁笙鶴不還沈歲月沙鷗
何意立斜風山因怪秘仙靈住林自豁研爽氣通欲學希夷
棲僻洞塵緣那及此心中

原韻

處野堂

參奉李彥沂所構在巨谷

數間茅屋壓江流冷落生涯淡似秋黃卷誤人違素志丹心
憂國已皤頭身牽野犢時棲畝夢與沙鷗共下洲四十年來
塵世客居然泉石一區閒

原韻

涵溪精舍

涵溪鄭碩達所構在仙源

原韻四絕

臨

面鏡古

溪水明如鏡涵泓靜不流此心真有契端合一生休

右涵溪

面皐

吾者養心法要兼動靜時於焉能兩至功效故無涯

右養心堂

清曉整襟坐湛然一片心眼前無事物終日只欽欽

右靜存夾

念萌先審察事至更分疎欲知真善利長對聖賢書

右動察夾

山水亭

梅山鄭重器所構在梅谷

自是雲林有宿盟層臺高處結茅楹青山屹立千年色碧澗
長奔萬里聲觀象敢窺仁智妙閑軒偏愛峙流情世間榮利
非吾願好把殘編了此生

原韻

夫子遐尋谷口盟巖崖盡盡雨三楹春來幾點梅窓易絃絕
猶操玉澗聲綠竹懷人千古韻黃花對客歲寒情可憐樂壽
當年興徠鳥無言暮靄生

倪庵李璫

蓮亭

鄭一錢所構在仙源

亭以蓮名誌愛蓮大人卜築幾經年原因活水深無地谷鎖
閒雲別有天碧玉可觀疎雨滴清香頓覺宿痾痊為憑十丈
如船處却是風流太乙仙

男夏皓

新詩物色舊塘蓮孝思不忘卜築年葉送金莖盤上露花開
活水鏡中天倘令日日清香服自合人人俗病痊須到亭亭
物表處村名方可許真仙

蒼軒趙友慈

向陽亭

鄭龜休所構在山水亭東

占得幽棲俯碧灣好將身世老漁竿波含山月明珠轉風動
巖花活畫看睡後圍棋敗亦喜吟餘斟酒醉何閑從今謝絕

新寧面

人間事心上元無熱與寒

原韻

環碧亭

在新寧舊邑

肉食終難近臭銅此君猶足友軒中竿竿王立非爭列籜籜
龍騰欲上空瘦石寒溪團翠色踈檻虛檻灑清風可憐人境
俱新處續舊題詩愧未工

退溪

花山曾忝管章銅十載歸來一夢中東王篁林應似舊潤波
草閣已成空神君試手恢詩界虛檻橫溪引澗風對笑筠軒
知不俗遂投荒句愧非工

錦溪

山如屏畫水如銅客子停驂卧此中帖樹幽花香入袂拂雲
寒竹響生空牕通西岳迷晴靄軒壓東郊引好風對景只要

酬勝賞留詩莫道語難工

樂園安壽

繞竹竒巖古臨溪小閣虛樓殘風擺後灘
雨過初境勝饒詩興官閒絕簿書此中兼
吏隱何必更幽居 仙源金尚容

晚休亭

晚休李承顏所構在沙川

老晚經營屋宇新青山流水慰閒人
關隄神爽星辰曉玩砌心融草木春
恩謝勲華歸靜處學希顏孟付尋真
顧有帑藏餘舊醅喜逢勝日樂嘉賓

原韻

晚起休亭志益新聊將襟抱邁前人
靜對溪山千古月任看天地一元春
蓮桂家聲承世德桑榆事業養吾真
款款杯罇今日席相從道義樂為賓

冶爐宋希奎

林溪亭

林溪曹景溫所構在賢皋

原韻三絕

林風清溪月白夏日永秋夜寂迎風更對月幽興此時足

其一

林深深溪潺潺書萬卷屋數間更有琴三尺生涯日日閒

其二

林鳥鳴溪魚泳樂天機任天命相對欣同得如何與物競

其三

晚翠齋

曹漢隣曹龍錫曹龍命所構在林溪亭後

陶廟之南魯廟東小齋端合養群童一般意味堯夫月千古
胸襟點也風君子擊蒙能作聖少年謾學奈為翁工夫最貴
如飛鳥須日孜孜與舜同

慈溪曹龍翰

穿雲踏雪古堤東迎入書齋儼冠童臘味椒樽三宿酒春深
梅塢一番風青年征邁欽諸雋白首踈慵愧此翁補敗扶殘

要藉力花山半面倘吾同

鳴皋鄭幹

王澗亭

墳叟鄭萬陽麓叟鄭葵陽所構在橫溪

本非長往學逃塵偶卜清溪若有因花木一庭閑落處風雲
萬壑捲舒辰山中色色皆吾事齋外悠悠是別人閑捧晚來
無不足直須雙卧送餘春

墳叟

一帶澄泓不許塵蕭然茅屋石臺因閑花落葉山中昏皓月
踈風醉後辰無事彈琴非俗韻有時垂釣似漁人荆陰好處
松門掩共把詩書送晚春

麓叟

暮入仙區迥出塵水雲深處路無因四時光景忻同趣一室
嘯歌慨後辰藏器初非逃世者抱琴誰識有心人閒中至樂

天偏餉雙棣長成自在春

密庵

慈溪堂

慈溪曹龍翰所構在芝谷

乾坤人一介山水屋三間半世遨遊客生涯始得閒原韻

二皓堂

兄皓曹振王弟皓曹相王所構在芝谷

靈芝三秀谷之東生長商岑採後叢一曲仙歌誰復續名區

千古屬斯翁

兄皓

八公山屹望中西天際溶溶雲獨樓寸進如令能不息何難

萬仞可攀躋

弟皓

晚悟亭

晚悟鄭裕昆粧點在慈川高巖

高巖窈窕澗泉清王考當年別業營題額先成楣四扁圖規

追述屋三楹雲霞散地如情對猿鳥遊庭不歆盟緬慕釋孫
滋感涕燕冠愀復侍容聲

孫鎮憲下山

西巖精舍

潁水徐壽錫所構在慈川

原韻九純抄三

重疊千峯裏當前一水流巖成數棟茲焉足藏修

右精舍

世道非吾任畎畝力已憊獨有平生志兢持畢殘年

右尚志堂

白雲朝暮擁青蘿護籬深柴門晝半掩遊人罕來尋

右雲蘿門

養清齋

校理楊自漢所構在德岡

清白家風世世鳴關西休烈暨青城吾將後裔遺何訓只願

無虧列祖聲

原韻

孝感青山麝芳名與麝香泣竹筍應秀扣冰鯉亦揚

老圃柳

花山面

風咏亭

進士權應道所構在楸谷

點也當年學聖人
從遊何幸共芳辰
心同萬物探終始
志異三賢繼後仁
千仞鳳凰衆氣像
一般堯舜精神晚
生百代思先哲
恨不相追問性真

原韻

農隱齋

農隱金緘扁名後
孫所築在花村

蹇驪坐點合樓休
磅礴花岑闢好區
彭澤疇西耘杖植東陵
門外古菰求忘機
魚鳥三川裏滿望
桑麻一樓頭修我
鋤基耕代祿康衢
烟月夢中浮

原韻

詠歸亭

晦齋先生所構在良洞

半歲塵籠困病軀
登亭今日喜提壺
江山渾是平生舊
襟抱

慶州

江

東面

何曾昔日殊

病起林亭望遠峯
蕭蕭鬢髮又秋風
眼中景物隨時換
山下流泉浩不窮

雨歇平郊霽景新
雲山滿目慰閒人
人間苦厭多喧競
舊隱溪山入夢頻

原韻三絕

心水亭

舊茅亭聳齋
李彥造所構在良洞

臨溪小屋獨閒居
暖日輕風興有餘
山鳥來窺人不到
柳陰移席坐看書

幽居懷抱苦難開
緩步緣溪坐綠苔
昨夜山中風雨惡
落花無數泛流來

原韻二絕

雲山千里隔萱庭，遠宦何能一刻寧。
投綬喜居留定省，為祠為養構茅亭。

兄晦齋

水雲亭

清虛齋孫曄所構在良洞

斷麓蒼然大野頭，小亭飛檻入雲浮。
螺圍遠岫重重出，玉繞澄溪曲曲流。
滿架詩書真種穫，一園花竹是真裘。
紫仙遺躅烟霞古，景仰高山思益悠。

栢潭

雪川亭

雪川李宜浩所構在良洞

小亭高壓雪川潄，光景無邊足豁襟。
丙穴嘉魚窓外躍，甲山脩竹眼中陰。
海聲暗逐蒲帆過，野色青連麥浪深。
暮始營容膝地，餘生何日不登臨。

原韻

雪川亭下雪川澤見說佳名已蕩襟復有瓊章照人目曾聞
雪老寫崖陰昔賢遺範仍追憶後死微誠直自深生晚縱遠
供灑掃精神相感若昭臨

萬庵

虎溪精舍

虎溪李乙奎遺址後孫所築在虎鳴里

瑤軒鎮日話遨頭紫玉真源這處流八世不斬賢祖澤數椽
多費後孫憂周謀已與同心士殷禮將省斷千秋追慕當年
相識誼此行非是只尋幽

李鼎儼

碧江何處覓源頭滾滾來從紫玉流講道函筵真有樂抱琴
溪月獨無憂兩縣治績成碑日萬里來槎問石秋後學如今
依此地百年公議闡潛幽

孫相駟

蒙庵亭

蒙庵亭在安溪

面背溪山架數楹小庭瀟灑挹林垆峯高每見陰雲集巷僻
時聞怪鳥鳴露鴛曳來栽好卉風櫺眠罷對殘經笑他名利
營營客誰似幽棲養性靈

原韻

惟公去後幾年閑堂樹亭亭撫且桓松老石蒼成梓澤花開
葉落好溪山來裔永承詩禮訓真工猶有水雲寒攀躋是日
多追慕翼翼華椽煥數間

都事金奎華

溪亭

晦齋先生所構在王山

臺上客忘返巖邊月幾圓澗深魚戲鏡山暝鳥迷烟物我渾
同體行藏只樂天逍遙寄幽興心境自悠然

坐看山光變紫藍幽棲偏覺一瓢甘逍遙遠涉清真境雲盡
青空月印潭

孤松相伴倚潭臺山晚幽禽自去迴勝景人間那有此恠他
遊客不曾來

原韻三絕

獨樂堂 全上

蘇齋盧守慎十四詠抄四

南國有名山公來去愈重烟雲水石奇盡入儒家用

右紫雲山

古聖樂何事先生能獨尋不知來與往幾箇此登臨

右獨樂堂

百年亭下水曾照庵中人不求其放何由養得真

右漢亭

院以天恩扁堂因手錄名丁寧媚學子為已足初程

右書院

水裁亭

雙峯鄭克後所構在霞谷

當年霞老卜居深往躅依然草樹陰風月古今留不盡江山
天地取無禁塵襟滌酒酒情得物色描詩詩思沉花石平泉
傳世久君看堂構孝孫心

素高孫德升

當年遺躅入山深靜社亭閑澗水陰仙榻掃來芬未沫客輟
停處思難禁殘梅敗竹霜風冷古木蒼藤夕照沉試向前人
尋響像聖山寒月印溪心

壺窩柳顯時

尚慕亭

懼庵李樹仁遺躅後孫所築在稷山

藏修舊址起新亭寔為懼庵夫子營茅棟告成一日內羹牆
寫慕百年情入此室堂時講習依然函席侍高明雲窓端合
智仁樂山下源泉號號聲

四留齋李善

懼翁遺躅初新亭為賀諸公盛事營百年文物藏修地一曲
風烟俛仰情寒泉繞屋流觴洞山日當窓斐几明從此堂壇
次第闢斯文賴有誦絃聲

通庵權周郁

月川亭

月川權潛遺址後孫所築在斗洞

吾祖遺光始闡明中宵如聞謦咳聲馨香草木留精在繪彩
山川供色生納戶松風堪遣累臨軒海月更增清百年花樹
渾霑露鳥鳥應知欲報情

後孫世永

鶴山亭月蘸川明赫赫家風繼繼聲晚翠杉松追遠感遍紅
花樹會餘生百年地勢烟霞病一日棟成水石清種德仁門
遺蔭厚油然報本秉彝情

裴斗瓚

面東外

六宜堂

縣監崔繼宗所構因為號在石洞湖上

野叟襟懷與世殊卷舒隨處智而愚
辭榮避地由先見安分
全身為早圖收了烟霞專逸趣
樂他山水擅名區耕雲釣水
期終老公獨於今有是夫

金舜民

亭敞春容媚湖平鏡面開
舊聞山簡逸今向習池迴
萬慮都
消去三公肯換來登臨無限意
遲日恐光顏
沙西全
湜

卧龍庵

龍庵崔祈永所構在天龍山下

卜築溪亭伊水東存身晚計伏於中
探源為愛三層瀑累石
纔成九仞功庵號那無元晦感山名
偶與孔明同數畦杞菊
秋容淡獨抱瑤徽立晚風

原韻

內東面

二樂堂

任勣所構因為號在金鰲山下書出池上

奇勝東都說此山先君當日破天慳松經羅代猶含翠竹遠
湘濱不學斑玉應金卷騷客詠清風明月主人閒這間終老
惟吾願何羨名場附且攀

男仁重鰲峯

數椽精舍枕南山千載書池即鬼慳樓勢憑虛疑蜃氣荷香
凝寢勝鵠斑盡以羅代分留色將作幽人管領閒也識地靈
應毓慶阿郎二十桂枝攀

青軒柳命天

山水堂

任勣所構因為號在二樂堂西

伯兮堂北第西堂肯構賢孫孝思長萬壑烟霞成痼疾一區
泉石點修歲棣華韡韡春風遠桂樹幽幽晚節香楣揭嘉名

仁智合高山流水倍生光

參奉崔鉉教

止淵亭

癡庵南景義所構在暗谷

吾愛吾廬愜素心
紛紛俗子少相尋
青山入戶平生友
流水當階太古琴
世上浮名雲過客
靜中高興鳥啼林
樵兒莫剪門前柳
閑鎖幽樓恐未深

原韻

探勝仙區趁晚晴
小車十里出東城
滿庭木葉秋留跡
觸石溪流雨送聲
天為高人青嶂劈
地雖下界白雲生
何時盡脫身邊累
如此名亭養性情

府尹趙耆永

德峯亭

德峯李鎮宅杖屨地後孫所築在蘇亭里

追承先志肯堂成
楸下春秋且寫誠
天眷隆陵疏有色
家傳

益祖德垂聲階前活水觀魚躍簾外青山拄馬行不肖何能
終勿替祗將謨訓仰檐楹

曾孫祐榮

棟宇翬飛燕賀成寒泉舊制著深誠疏爭日月當年義恩暨
隧途百世聲天雲半畝開明鑑星斗高名慕景行如竹如松
省厚蔭登歌六偉抱梁楹

小庵李邁久

小有亭

櫟下李圭一所構在德洞

福地行尋小有天吾廬結構是吾緣松風積谷長時雨澗瀑
搖軒自在舸晚計春來花樹裏浮榮夢過水雲邊放教懶睡
支離覺紅日東窓意豁然

原韻

雲水洞中別有天天翁怪秘待君緣巖崖點綴疑孤寺烟海

盈德

水面客

迷茫似泛艫不是生涯泉石裏也能康濟性靈邊願言勿負
藏修志留與兒孫世世然

雲圃李中麟

竹裏館

雲嶽李涵所構在翊洞

竹間有小齋靈瑣非人境曉起望滄海森羅千萬景

堂前疎竹洗心聲堂後松梢鶴夢驚松竹惱人眠不得海山
明日去留情

敬堂張興孝二絕

愚溪亭

李時亨杖屨地後孫所築在翊洞

藏修遺業剋圖全仰壁愀然憶舊年文獻久寥觀感地典型
猶襲講廟筵溪山古宅多增采風月虛庭更別傳間架初成
丹牖日燕庖洋溢賀羣賢

後孫壽憲

前人微躅一區全葵麥增啼有百年祗今制度三間屋憶昔
風猷四棟廷德行吾家曾有史文章後世限無傳肯堂非但
美牆慕須向明窓讀聖賢

傍孫壽昇

真樓庵

存齋李微述粧點後孫所築在梧村

樹屋百年地獨留依然風物一荒丘雲歸華表悲遠鶴月散
烟汀占夢鷗忍使幽芬埋野草幸看新築壓溪流幽吟缺畧
誰知苦天際輕陰揔是愁

玄孫宇泰

不寐亭

省庵白彪所構在佳山

原韻八詠

卷簾自千態分明圖畫歸幽人起捲簾靜坐看山色

右烟朝
山色

夜來溪送響蕭瑟枕邊生和睡依稀聞千山寒雨聲

右月夜
聲

秋江淨似洗疑是山陰雪安得仙人逐吹來同儋月

右曲江曉月

雨夜微微映風宵燦燦增知應担梳急織婦長懸燈

右前村夜燈

爾是忘機者不關風與雨人如可化物願化沙中鷺

右平沙鷺鷥

含羞頻顧影如惡台呼名百舌曾無數知音獨有鶯

右垂楊啼鶯

山鳥亂投林幽人空望眺峯頭夕氣多恍惚江心照

右九峯落照

老木夜生花枝奇景絕樓禽振濕雨晴日落來雪

右八斗霽雪

望越堂

五峯權策尸祝地後孫所築在大峯

西林遙岫盡儒宮望越樓新碧靄中劒閣崢嶸忠與屹清冷

鳴咽恨無窮鶻啼曉月聲催白花落春山恐入紅多賀如今

風雨夕雲孫肯構聳入聰

進士姜馥

聽澗亭

忠順衛權希彦所構在玉川

怪秘千年地高亭臨水湄傍隴松楸感登樓歲月遲江山元有主堂構敢忘誰傳付吾家重泉長石不移

後孫萬銓近溪

聽流亭

永慕堂李善道所構在葦井洞

溪舍今古色峯帶弟兄名藏修曾有主繼述愧無誠壠近松楸老庭空花石明源遠追家學似聽陶水聲

曾孫希楫西庵

尋源暇日向葦井枕外寒流依舊時霧捲雲收皆助景春粧秋歸各輸奇依山結屋仍為主種樹盤根漸達枝瞻仰古人

峯下南舒陽

鳳洲亭

鳳洲南國柱扁名後孫所築在佳山

原韻二絕

面谷柄

何年丹穴鳥來浴碧波磯今值聖明世佇看覽德輝
孔顏要訣一言開克復真工萬理該人欲倘銷爐上雪天心
還闖地中雷
右克復齋

二慕齋

彌善申大元扁名後孫所築在美谷

慕親慕不窮慕君慕不窮俯仰堪愧忤欲報天地窮

人皆有父母惟余盡職難人皆有君臣惟余盡忠難

原韻
二絕

攬勝亭

惺軒白見龍所構在遠黃洞雲山

地平江濶盡難成窓對仙雲海色清塵世幾人能到此滄波
白鳥共閒情

攬秀高亭擅勝名遙岑景物眼中生長江近海平逾濶曲島

紫沙迥更明
蕩箔鎔金延月上
跳舟活玉帶烟橫
世人豈識
江湖事
翻訝吾言太不情

退溪 二首

獨娛軒

松川子權得與所構在松川

陡崖後護小灣前
回竹軒迎風梅窓邀月雲來侵紫牘霞落
濕衣巾
溪柳裊垂絲
水禽閒欲睡
曠野行人多少遙
岑嵐翠
高低魚臺屹作東藩騰岳聳插北極釣艇隨流浮上下
漁人
施網導汀洲
社名舊稱霞川村驛亭今為上舍宅圖書滿壁
載寢載興烟雨催花半開半落平沙落鴈時北時南
碧潭游
魚或潛或躍
世間清福惟老夫獨專
物外奇觀豈俗人所管
饘是粥是何求
於外榮優哉游哉聊且平卒歲

北格略飯古
體始四字而

終九字內外兩句凡二
十四句而平仄只押下字

原韻

於斯亭

權昌肇所構因為號在松川

原韻八詠抄二

高岳平臨號是鯨儼然南畔作干城山靈亦解閒人趣分付
千峯護此亭

右眼前鯨岳

長川不盡逝如斯西岸明沙亦一奇最是春晴秋月夜風傳
餘響到簷楹

右十里長川

龍巖亭

贈參議金益重扁名後孫所築在沙川

虎穴曾探虎歸卧故山鯨遼陽華表感瞻望一茅楹

煌煌恩誥下人去一亭深遠客登臨地高風自起欽

龍湖權命奎二絕

足閒堂

教授白仁國所構因為號在東魯洞

人去地留馥龍山舊日亭寒雲來去影流水古今情路遠行
歌曲時危保性靈莫言聞我足無計報芹誠 瀛隱南公壽

景濂亭

陶高朴璿所構在樊浦

築石柴籬外閑軒壓小塘魚游憐得所荷發愛含香隨分生
涯足安心世事忘清風時自至高枕夢羲皇 原韻

新構華堂壓小池雨餘春水綠漪漪憑軒坐待斜陽盡芳草
烟堤去故逢 存齋

大遯亭

時庵南阜所構在大苑山下

慳秘千年地經營十載情偶然成小屋亦足度平生翠嶂當
軒擁飛泉入戶鳴琴書聊自老此樂有誰爭 原韻

寧海面

携室離人境知君遜世情窮能尊所學志不負初生閒卧嶺
雲白高吟海水鳴抱書成大隱真意有誰爭 潛齋林應準

尚義堂

承旨白忠彥扁名後孫所築在元邱

忠賢懿蹟觀聽野史堂扁想典型八載丹忱懸北闕九重
紫誥下東溟襟紳濟濟周旋日父子洋洋陟降靈寄語雲孫
能善繼家聲勿替勉常經 府使李正弼

蘭皋亭

進士南慶薰所構因為號在元邱

曾赴紅衣火旺營歸將圖史卧風樞雨過幽徑芳蘭茁雲盡
層溟霽月生蓮桂梟仍長不絕東南賓主好相迎誠勤堂構
終無廢多賀名區善守成 舫山許薰

山南志言卷下
龍蛇往劫火山營突兀蘭皋屋數楹漢闕長纓違素志揚床
玄草足餘生離邊戰氣潮聲去架畔毫尖岳色迎長踪不及
東風驚倦向雕梁賀傑成
大溪李承熙

曲江亭

奉事權應周扁名後孫所築在玉琴

桑溟西畔小亭新多賀名家肯構人火壘輸忠昭并日玉琴
遺韻宛皆春蘭篁繞砌長留韻經史堆床淨不塵恁麼英雄
如可作茫茫沉陸更尋津
古巖金世洛

光溪亭

進士南尚召所構因為號在元邱

松為籬落草為廬鹿豕同遊木石居屋後春山採軟蕨門前
秋水玩游魚塵寰迫隔心還靜樂力猶多氣漸舒賴有李兒

長在側琴書終日樂于胥

原韻

三光西畔結茅廬地僻端宜奉老居
礪底束柴猶煖突門前
投釣可登魚舊疴漸向新陽復長慶應隨愛日舒就養此間
真一樂百年榮貴等華胥

男濟明

守約堂

晚松堂

臺隱權環扁名後孫所築在觀魚臺下

赤甲蒼髯澗畔松清陰深護主人翁
愛渠保晚心期確不借
春風抗大冬

竹葉醪斟竹葉杯杯中影倒一枝梅
梅花折盡為籌數醉裡
壺天別界開

原韻二絕

升川亭

位郎南鵬翼所構因為號在槐市里

靈鷲仙官屋數椽扶桑橫壓坐超然投綬已能安義分超時
寧復合方圓大地從他星物易人家須有子孫賢百年舊下
雕樑語今我磨溪古升川

響山李晚香

百年泉壑揭新椽為惜遺芬尚儼然谷口媚雲依舊漫波間
弄月至今圓巷居治闢尋顏樂館號歸來憶晉賢有取異同
分合處升川還是一條川

倪宇郭鍾錫

晚翠軒

佐郎南老明所構在元邱

扁名晚翠是遺軒百歲重修有數存非曰小孫能肯構恐虧
先祖錫嘉言不奢不儉家風古爰處爰居族誼享此日三陽
回泰運天教五福入吾門

後孫
斗陽盤桓

齊

娥林歸卧九皋軒軒外蒼官喜獨存園裡撫孤陶令趣澗邊
含鬱曾公言後凋托意要者郎先輩遺風永樹惇肯構百年
斯聚族浮榮何必艷朱門

鶴坡趙星復

枕漱亭

瀛隱南公壽所構在槐市里

洞天竊窺逼竊真小築端宜棲老身韻王琮琤泉入戶亂碁
磊落石鋪茵桃源或到漁舟子雲谷時逢載酒人客邇光原
風樹感巖居非直謝嘉塵

原韻

谷口深於鄭子真烟雲供養自家身王泉細奏房中樂錦葉
堆成石上茵留取數楹新構屋待迎千里再來人桃源覓路
何容易已濯吾纓舊日塵

雨村南尚教

盈德面

處湖亭

承旨李承吉扁名後孫所築在直川

鐵步只存片碣留掃除蒼鮮孝心愍城遐北闕頽荒野川近
東溟逝直流遺像千秋湖上月清銜當世石中璆愧吾後裔
無文獻名祖餘蔭不復休

後孫基德聲波

高名長與汗書留宰樹南望病思悠宇宙百年曾聞氣江湖
一帶此中流苔痕幻出前塵石松籟噓成古樂瓊深願嗣人
頑勉勵根芝源醴膺天休

後孫泰鉉

三益堂

司直申志立所構因為號在錦湖

守寂安貧分有常十年經理一茅堂土牀烟足冬猶暖席戶
風輕夏亦涼身老慣看時事變心閒更喜晝眠長兒童莫道

無知己梅竹黃花滿院香

原韻

高則入虛凡則常海門深處一茅堂天開草澤英材老歲晏
榛苓友道涼寡合自然尋輟少無情忘却晝眠長傍人莫道
知音少苦竹寒梅晚郎香

傍孫弘遠石洲

長春堂

梨庵金夏九所構在直川

一尋麻骨淨宜籬新著蝸廬趣味奇土枕雲生瓊液嫩梅樨
雨過玉花垂暮經對客聊消日詩格從吾不入時笑看槐陰
庭鬱鬱台光隨鵲照南枝

原韻

雲漢亭

判官申經濟高名後孫所築在新安

家在鏡湖上莫云臺沼紫南天雲起處憑道太行情 原韻

知

二松堂

南時澤所構因為號在新陽

問二松爾何獨不媚春容園中桃李正芳華欣向時人滿眼
穠

二松答君不見霜秋雪臘孤郎於斯君子若如何百卉早凋
穠

原韻二絕

竹隱堂

竹隱南承弼所構在植栗洞

白洞溪邊始結廬倚倚霜幹遶庭除風韻遞琴塵慮遠涼陰
拂地俗緣疎生涯澹泊身無恙事業蕭條案有書是間幽趣
君知否二字平安報自如

原韻

晚悔堂

晚悔南景夏所構在植栗洞

面山遠

吾廬吾愛是爰居有悔元來無悔餘喜怒均迥忘彼我惡尤
消却視親疎閒隨麋鹿同雲睡戲與兒孫摘葉書惟有晚年
把償物林禽松鶴下庭除

原韻

挹翠軒

六曜堂中後慶軒構在後谷

涵碧臺前入德村白沙江畔為閑軒卜隣幸借餘閒地謀拙
惟知掩席門謝眺生涯山近宅愚公身世口忘言滿床黃卷
晴窓裏猶勝人間好議論

原韻

芝村齋

李晚玉所構在光山

逃世紅塵裏幽居碧澗傍深探惟水石大賞只松篁對卷身
能靜嗜醪志易傷古來賢達士身死道惟章

原韻

九芑堂

李祥駟所構因為號在道川里

南亭面

鳳凰山下結為家茅屋柴扉一逕斜
愛覺東風黃鳥谷盟尋夜月白鷗沙
愛看不老千年竹靜習猶栽百本花
守分安終有得由吾焉可向人誇

原韻

鴻鳳山前處士家喬陰茂出一枝斜
滄海深藏珠晦彩藍田有種玉無沙
高軒客滿傾三酌寶樹春回擁百花
堂名自號堪千古山水奇觀并與誇

于軒李壽岳

迎日

連日面

七印亭

保勝郎將張彪遺址後孫所築在士逸村

青山舊宅起新亭我愛青山萬古青
孤竹風清成翠幕三槐陰密擁蒼屏
雲仍幸得藏修地鄉里咸稱孝友庭
慶壽堂前

偏感慕起者南極老人星

後孫應永異庵

張氏先墟有是亭遠環十里衆山青風吹柳竹陰遮戶谷吐
雲霞氣作屏七印爭傳同子婿百年猶說好家庭古人去矣
吾誰與異日無心玩聚星

南廬李鼎儼

日躋堂

旅軒張顯光所構在立巖

竹南面
負巖開小齋澗流當前過階因巖址築簷與松柏摩炎夏納
潭涼凍寒來陽和同棲二三子晝夜相切磨龕儲傳經傳且
便相講廟日哺數酌罷携上南臺哦洞天時異趣立巖恒不
頗老父勗諸益盡觀醜頭皤年齡及耳順進步坐蹉跎立脚
貴及早勿追世奔波藏修宜惜日歲月疾如梭 原韻

四友亭

李憲淳所構因為號在德洞

四時光景與誰同愛玩亭前花樹中欣欣向榮無世態莫如

為友坐春風

原韻

棲夢堂

逸休齋孫汝奎所構在松岵

青山後擁水前臨中有清齋趣味深一洞烟霞藏別界滿堂

花樹作園林風生舊檻聞餘韻月上新弦動暮吟遙想瓊虎

湛樂處世間榮辱不關心

原韻

枕漱亭

祝流齋孫星乙所構在玉溪

萬事吾身付一亭清音擊碎入牕櫺龍愁春暮蟠藏窟鶴喜

秋晴舞環屏老石三龜窺淺瀑聞雲八角捲疎窗平生浮生

面溪杞

烟霞積王府真緣夢幾醒

原韻

王溪深處起新亭紫綠層層耀畫櫺茅棟數間圖映壁烟霞
千疊錦粧屏浪吟步月宵憑檻高卧眠雲晝掩局俯視塵寰
人盡醉登斯有主獨為醒

海隱姜必孝

桃源亭

桃源李末同遺址後孫所築在杞溪

寂寞桃源與世違由來多少問人稀青雲夢斷饒興適白髮
愁緣孰是非樂水游魚能遠逝投林倦鳥自高飛甘心遯跡
躬耕野岳死無成一布衣

原韻

花樹亭

遯翁金啓榮粧點後孫所築在鳳溪

幽禽雲並宿清澗月同流獨夜彷徨久誰知我思悠

原韻

鶴南亭

鶴南李晦慶所構在祀溪

原韻八詠抄三

整襟中夜復低徊
水閣鷄鳴曙色開
靜後真心何處見
小塘如鏡絕纖埃

右方塘鏡波

精金帶玉澗中藏
淘水方知本質光
義理如斯誰善斷
我思用汝鑄霜鉉

右小澗金沙

鶴皋亭

鶴皋李鍾瑩所構在桂洞瀑布上

背壁亭成指點頭
桂香松煖洞天幽
自超物外青山在
謾向人間淅水流
萬事踈慵違歲世
一心安樂付閑區
侯誰錯比西湖宅
假鶴名皋是我羞

原韻

如聞清唳九皋頭
松桂參差境轉幽
白日遲遲高士卧
青山

神光面

曲曲一溪流至今湖上誰安土從古嶠南多勝區想像讀書
林下樂向人堪說詎云羞

判書閔泳韶

五耳亭

直長李宜溫所構因為號在愚覺里

洞裏烟霞自作村風塵斯世別乾坤靈樞不吠人蹤斷山鳥
聲中晝掩門

原韻

蒙厓亭

參奉李壻所構因為號在愚覺里

脫去風塵世移來水石村窓虛雲入室簷短月窺軒巷靜人
烟少庭空鳥雀喧身閒無外事時復役詩魂

原韻

地似桃源境家如綺里村倚巖開石砌臨澗構茅軒野客無
塵念雲林隔世喧名區頻入望日夕九回魂

蒙庵李堞

慶山

面良珍

清道

面川錦

山南村亭詩集卷下

龜洲亭

直齋金翊東所構在琴湖上流內里

巖頭小築擁青林長夏清冷絕俗音遙出彌縫平野濶澄江
縹緲斷崖深老去非關當世事靜中須養自家心惟有殘編
慰幽閒嘉賓時復遠來臨

原韻

往事層厓梧竹林瑤琴當世孰知音龜藏石室蒼巖老鳳去
江臺碧水深二郡桑麻千戶野一窓几案百年心南來益切
隔晨感寂寞空潭霽月臨

洗山柳止鐫

逍遙堂

徵士朴河淡遺址後孫所築在仙岩

天機活潑樂陶陶物外徜徉氣像超吾愛吾臺吾自在看山
詠水摠逍遙

原韻

三友亭

贈兵判朴慶新所構因為號在林塘

我愛琴書趣結廬山水間
看魚跂石坐馴鹿伴雲閒
孝友行應到功名遠莫攀
塵床吟嘯外時復漁樵還

原韻

雲山磅礴列重巒中有賢人
岌岌冠卓絕銘彝三友額
高車駟馬四門寬阿偉助舉
來孫肯春服初成多士歡
如今恨之挽河力屋社誰能
更真安

新齋鄭遠永

訥淵亭

訥淵丁敏道遺址後孫所築在芳音

先生當日好藏修磊落清標
此地留九邑絃歌傳古蹟
一家文學有源頭
亂落楊花芳草岸
羣飛水鳥綠蘋洲
懷詠遺風鄉子弟
至今淵上泛舟遊

進溪朴在馨

萬和亭

雲岡升時默所構在仙湖上

樓下真源活水深
烟霞十里見晴陰
不妨斂跡隨時遜
祗可忘形盡日吟
半世浮雲誰富貴
一川明月我膏襟
是非不到空山裏
魚在于淵鳥在林

原韻

幽居何必萬山深
咫尺亭臺接屋陰
子孫僮僕應聲集
水石雲烟即席吟
元無俗物來侵座
中有高人獨整襟
自歎平生鳩拙甚
羨君粧點好園林

定軒李鍾祥

三足堂

贈應教金大有所構在金谷

山嫌水去千重護
水亦憐山百折回
小屋正當佳處住
主人長愛獨吟來
深秋列畝金屏展
旭日清潭玉鑑開
天下雲門

須第一倬山於此合輿儻

慎齋周世鵬

山川夙孕精英氣宇宙長吹翦爽風君子處窮宜見節丈夫
名世不論功三間小屋依蒼壁一點浮雲過碧空誰瀉臺前
千斛水為澆今日磊嵬骨

黔澗趙靖

一翠亭

栢軒金炳斗所構在栢谷

錫我偏多陰百年湖山儘復此軒前堂槐新洽春風地桑梓
曾滋雨露天華岳歸雲禪磬外滄浪落日釣磯邊五家栽柳
門相似遙證潯陽世可傳

男容復濯雲

曲川臺

司諫郭珣遺址後人所築在孔岩

川曲何妨子直心孔巖風引我清襟我遊子樂皆真趣山水

門雲

面陽華

面

中間和古琴

逍遙堂朴河淡

居然亭

聽水軒尹鳳翰所構在孔巖

懶踈成性訪幽區卜築居然似輞圖世有是非關進退山無
分別受賢愚琴書以外尋常物泉石中間四十吾夢罷華胥
憑檻坐竹園深處鳥相呼

原韻

早世休官訪勝區居然寫就輞川圖琴書自足陶翁樂溪谷
寧辭柳子愚終古有才難入俗如今所好且從吾草堂春睡
誰教起欸欸提壺山鳥呼

觀察使李重夏

先月亭

四而堂蔣德潤所構在沙首里

斲石緣崖闢小亭澄潭天作一光青生平不禁烟霞癖老去

而

密陽

密陽

初成水月儘興到有時
笑抱膝客來無日酒空瓶
浮雲買都拋盡却便當年獨也醒

原韻

嶺南樓

江左雄府嶺南名蹟石鏡川江處有凌波堂枕演堂居層閣寺財舍又有尹可報吳曉

嶺南樓下大川橫
秋月春風屬太平
忽得銀魚森在眼
斯文笑語可聞聲

牧隱亭橋

金碧樓明壓水天
昔年誰構此峯前
一竿漁父雨聲外
十里行人山影邊
入檻雲生巫峽曉
逐波花出武陵烟
沙鷗但聽陽關曲
却識愁人送別筵

都源興

登臨正值浴沂天
灑面風生倚柱前
南服山川輸海上
八窓綠竹開雲邊
野牛浮鼻橫官渡
巢鷲將雛割暝烟
方信吾行

不牢落每因省毋忝賓筵

伯畢齋金宗直

樓觀危臨嶺海天客來佳郎菊花前雲收相崖青楓外水落
衡陽白鴈邊錦帳圍將廣寒月玉簫吹入太清烟平生儘有
騷人興猶向尊前踏綺筵

退溪

西風人倚嶺南樓水國青山散不收萬戶笙歌明月夜一江
漁笛白雲秋老僧院裡疎鐘晚烈女祠前落葉流滿岸蘼花
三十里鴈鴻無數下長洲

府使申顓均

月洲亭

翰林李迥所構在龍城

地卜芳園十丈寬只栽花木四時看客來莫笑生涯薄窓外
新添竹數竿

原韻

再衣同年慣識賢脩名嬌郎更誰肩明時潦倒人休惜不換
三公有月洲

企齋申光漢

今是堂

承旨李光幹所構園為號在箭川

幾從東洛夢滄波每愧青衿似破荷十載班行何事業一區
烟月好婆娑行藏得喪人休問進退深憂我自多望美西方
殘日落謾將懷緒寄吟哦

原韻

霜落江天葉半零柿東柳北忽高亭騎牛世遠雲生望舞鳳
山低月滿樞虎瀨團沙終古白龍崖脩竹至今青登臨況見
陶彭澤擬抱琴書送暮齡

江左權 萬

鰲淵亭

鄒川孫英濟所構在慕禮里

鰲淵亭子澗之濱巾屐備然意更新百年追慕美塲地今日
翻成花樹春二難兄弟同為客一境林泉正可人黃鸝半日
蘭薰席慈條胸中數斗塵

後孫昌鉉 滯山

微雲齋

格齋孫肇瑞所構後孫重建在茶院

小堂新構碧山前經過常稀閉閣眠夢覺還吟春寂靜桃花
泥露柳和烟

原韻

鵲角功名速牛毛世事多欲尋爛柯境須到格齋家

佔畢

七灘亭

聲漫孫起陽所構在竹院

七里灘頭一釣竿碧江清淺浪花寒當年却笑羊裘子終帶

人間諫議官

面上

三品老文官底事
踽踽水石間
袖裡年來藏兩手
不妨
漁竿
原韻二絕

天作二陽密富分
先生郎義至今聞
空江鷗鷺悠悠水
古廟松篁淡淡雲
白日高懸藏怒句
清風遠灑辨誣文
斯樓幸與名留後
百世昌原舊使君
性齋許傳

博淵亭

博淵金太虛所構在茅亭里

海外腥塵尚未除
將軍何事卧江廬
一區泉石功成後
萬怪烟雲睡起餘
新網舉時銀鯽亂
短舸橫處綠楊踈
平生事業知無愧
何必區區記姓書
詔齋崔現

萬鞘千刀百戰身
歸來畫錦耀鄉隣
淵泉有本源流活
風月

無邊卜築新馬瘦不知金紫貴官高猶似布衣貧憑欄日日
觀魚樂正在桃花細雨春

東籬金允安

東華亭

東華村章煥所構在酉方

原韻八景抄二

危巖簇簇列亭東隔水殘陽半面紅深峽曠來生晚霽暮
懸在落寒鍾百尺雲臺浮沒際一川烟樹杳茫中蒼蒼斜影
林間路人語禽聲樂不同

右經臺落照

層巖危立絕浮埃盡日閒雲寂寞回依山影過紅粧錦觸石
痕翻綠濕苔中谷滿拖朝雨出半顏斜帶夕陽來孤僧一去
無消息獨自溶溶守古臺

右寶斗歸雲

暮潭堂

翊贊安忍所構在前沙浦

鐘聲古寺西山裏漁火扁舟南浦中

餘缺

男胤祖肯村

小齋新築處方沼野連多仍被寒星照重看古鏡磨一心元
灑落萬像自森羅已得藏修地何妨理釣簑

頃叟

海外方塘小源頭活水多主人自樂賢友道相磨滿壁詩
書插空庭樹竹羅何當南渡去烟雨共漁蓑

虎叟

孤翠亭

松窩安命夏所構在慕潭堂前

茅屋新開小水泉茲居非陋亦非高槐陰映砌迎朝旭松籟
侵櫺聽夜濤蒼筠林泉多偃仰忘形魚釣性遊遨穆然千古
神洄沔誰識吾懷意更高

原韻

曠不依山奧不巢見公共構誠公高貞安只愛三冬色娟派

送連九曲濤函席豈曾辭雪立洛沂時復作春遨
嶠南自古儒賢地始覺吾君亦一家

進士鄭弘鑑

來讀齋

判決事將得龍所構在大項

脩竹蒼松過雨冬人和地利兩相達層巒一面長
流濶小閣東頭大野封形勢平分乾巽位功名昭著丙丁峯
山川鍾結文明氣華嶽巖巖是祖龍

原韻

宛在亭

陽山權三變扁名後陳升築在陽良池甲

澤國回環大野頭湖徙盡日坐孤舟勢撼西厓吞活水功成
九仞立中流自憐遠鶴歸華表堪愛秦陂在露洲欲起一亭
餘有地晚年無事得閒鷗

原韻

武安面

魚變堂

府使朴坤所構因為號在上堂洞

淺薄兒誠養未優王祥水鯉恐難求塘開半畝通源活魚畜
千頭恣意游向後春風防數罟預先時雨補滲流從今膾炙
非難得不用三牲是可羞

原韻

半月亭

寬齋朴民俊所構在上堂洞

清江之上碧山東飛閣蕭然半在空夜到三更先皓月生
六月獨涼風

原韻

竹潭亭

竹潭柳芬所構在雲汀

數架菟裘百世風孱孫肯構思無窮湖山空有藏修躅士友
相傳教授工萬事微茫塵雨後一區幽寂水雲中羹牆從此

常如見潭竹倚倚碧舊叢

後孫承澤野人

曲江亭

星山君李軾粧點後孫所築在曲江

名區粧點已多年吾祖風流九世傳地閩龍蛇留待後簪新
翬鳥適追前探真杖屨看秋水滿目羹牆起暮烟我有嘉賓
要一醉江山淑氣入詩筵

後孫考堅

喬木垂陰不記年離宮臺下勝區傳一家堂構八世後西國
興亡千古前七郡青山閩廣闊滿江明月欽長烟清遊真率
無絲竹中夜漁歌助盛筵

正言南景義

洛洲齋

洛洲李瀛所構

仁祖手書扁額以賜在覓禮

瞻彼洛江萬折東有亭在崖獨無窮古松秀氣依山碧瘦石

餘神向日紅興廢隨人期更起經營閱世竟成功雨鎖寶墨
心多恨嘉號久傳聖化隆

醉睡軒李和淵

洛洲之水百迴東我欲乘舟溯去窮西闕心誠春月白上天
奎畫曉雲紅四家樵牧非辭祿七郡江山是報功身後故鄉
魂彷彿桂旗蘭渚御豐隆

東樊李晚用

攬秀亭

郡人初建年久頽廢營將金淇改築在守山

迢迢丹閣入雲平影蘸長江上下明望裏秋山紅作態湖邊
霜竹綠涵莖軒通北極懷先瀉眼閭南荒氣益橫形勝海東
推第一岳陽黃鶴可齊名

鄒川孫英濟

筭來天地等蘆盧亭榭重成浩恔餘西子荷紅國浦古王孫

草綠離宮虛湖山忘却遺芬沫樛礎仍修舊貴如追憶令公
遊賞處慣人魚鳥不生疎

後孫志立槐坡

秋坡亭

秋坡全抑已所構後孫重建在西田

先亭重結德山東賢祖遺風仰此中一廢一興知有數是輪
是奐已成功翠峯高插閒雲重碧澗長流活水通春雨秋霜
因有感滿村桑梓澤無窮

後孫錫鎮

一經齋

耕隱全昌德所構後孫重建在西田

重新戶牖向朝陽吾祖嘉謨在此堂欲啓後昆藏典籍為留
佳客屬盃觴須知福澤將無盡要使著存永不忘紹述由來
家有範儉勤孝友是真方

玄孫錫鎮

面同初

洛江之北德山陽吾祖當年起此堂嗣昔先人重青楸而今
小子詎能忘每令兒輩追絃誦時接賓朋迭詠觴匪為烟霞
泉石想永言紹述牖迷方

玄孫錫允

五休亭

五休子安珣所構在金浦

星萬山容端且平數間茅屋此中營秋深菊塲餐金萸春早
梅階賞玉英昨醉今醒皆妙理紆青拖紫摠虛名湛然忘却
休休意分付書窓霽月明

原韻

慕先亭

慕先齋朴守堅居廬地後孫所築在新湖

低供羣巒作畫屏幾番興廢又新亭提攜髫髻白森成座長短
松杉蔭滿庭斜倚危欄聞鶯賀共尋遺業愧擅青荻將春雨

名堂意香火年年送祖靈

後孫

誠

五友亭

昂齋閣九齡敬齋閣九韶友于亭閣九淵無名堂閣九疇三梅堂閣九叙所構在三浪

憶昔叨清賞頻來五友筵醉憑危檻月吟掉暮江烟自是修

天爵元非學地仙祇今人事改徙倚一潸然璞齋金紐

先生已去空餘樓樓下長江不盡流牲爵惟香新廟裡鶴鶴

猶在古原頭名區昔燹壬辰歲盡棟今飛乙卯秋賢主弟兄

欣接我依然當日半旬遊郡守任震夏

洗心亭

悔翁蔣熙績所構在崇真

綠蘿垂處掩柴門盡日無人鳥自喧時把漁竿閒坐石每憐

松月獨憑軒巖邊翠竹風傳響雲外青山雨有痕最愛滌溪

階下水聲聲入耳洗心源

原韻

野服黃冠不出門小堂閑處絕塵喧
荆珍肯許連城價海鶴非關上衛軒
窓外松含山月色澗邊苔印竹筇痕
洗心端合亭名揭滌盡煩襟活水源

南谷權 璿

靜觀堂

判官曹繼祥所構在伊淵

鳩材迄用棟樑謀躋後工夫自進修
地靜伊淵踏實腳堂觀這物騁神眸
暮年只可休泉樂暇日端耳杖屨休
寄語家中諸子弟青蓮世世業芳茂

原韻

築室何煩與道謀即觀堂構煥重修
祗應杖屨追芳躅可但雲山放遠眸
聖主昔曾垂寵錫賢孫今復闡宏休
知君獨守

青蓮老恥向風塵拂拭表

鶴舉金篋萬

四皓亭 采芝堂朴龜元所構後孫重建在古禮

垂垂顏髮照真圖俱是明時退老軀落子金枰如轉玉揮毫
數幅便成珠癭容髣髴回商維道脉溯洄達魯洙鎮日逍遙
泉石邃采芝歌罷對清壺

原韻

許我同叅皓白圖名區從此老微軀鴻愁世倬光吞木驪喜
人探竟戲珠詩成九曲酬雲谷道溯千源自泗洙尚友古今
翁有四時時暢叙石間壺

寒暄堂

盤溪亭 盤溪亭瀟所構在泛棹里

十載經營小屋成凭欄垂釣夕陽生靈山採藥招仙侶姑射

山內西

連源遠俗情眼暗猶分棋局道耳聾能聽石溪聲幽人莫說
溪山勝直為漁樵不換卿

原韻

七山亭

孫應龍杖屨地曾孫鍵所築在七山谷

天作環區石作屏竹梢欄角露亭亭風傳百世藏修地陰積
千秋灑掃庭油然孝思山雲白賢者精輝壠樹青寓慕斯齋
先起敬月明遙夜降昭靈

鍵竹巖

卓三齋

漁樵窩金有富杖屨地後孫所築在鳳村

雲門諸徑赴高城一朵芙蓉萬丈爭長坂風威單戟銳越湖
蹤跡小舟輕森巖千古將軍勇羅列平郊孝子情木假層巖
鳴鳳地濛濛元氣供家聲

知中樞趙德澄

斯齋卓爾傍高城依舊丹甍歲月爭為親為國兼恩義阿弟
阿兄辨重輕而婦且能成義烈千秋誰不感忠情墓刻闕旌
諸頌外播登章甫口碑聲

後孫秉洛

永言齋

通政孫悌謙杖屨地曾孫鎮一所築後孫基德
重建在松園後孫益遠八景抄二

石間貯水樓陰青曉看銀花點點零若使淘心如此并何教

六一獨題銘

右王并宸溜

野水如銀渺渺空天邊歸驚羽翻紅蒼蒼倒景猶嘉悅當日

何心淚景公

右烏岑落照

雙修堂

英憲公金之岱尸祝地後孫所築在杜谷

國患臣之患親憂子所憂代親如報國忠孝可雙修 原韻

清道

面

四宜亭

監正金浩源杖屨地
後孫所築在小台

後孫泰麟四絕

鄧物何多變人情自有思精明如不極感應香難期
右齊戒

聞昔吳中老飢寒卹食衣邦因置義宅千載與同歸
右燕會

富貴天難必功名分亦疎讀書由已事來者意何如
右讀書

嶺崖愁出入巖逕破輪蹄不盡中心歎誰將到此棲
右迎賓

忘憂亭

一名與賢亭忘憂堂郭再祐所構與之於孝道
純在友江

拓土治巖階自成層層如削路危傾莫道此間無外護
李三

蘇百翫空明

下有長江上有山忘憂一舍在其間忘憂仙子忘憂卧明月

清風相對閒

原韻二絕

雙梅亭

副提學李胤所構因為號在幽里

面麻丈

麻姑千載著仙靈植物由來倍勝形
畝畔松林移島產月邊梧樹映明亭
初心已著槐蓮紫晚節相關柳竹青
悼念箕淵襟履冷梅堂坐卧幾時經

原韻

聞巖亭

聞巖辛礎所構在舍里川上

面城桂

南州淑氣作名山巖遇高人聞世間
遠謝青雲臨石壁投歸朱紱對松關
遺孫肯構追先志舊制重新別有顏
終日清涼都是水登斯亭也却忘還

後孫碩林聽溪軒

釋甲歸來卧故山先生名在水雲間
宅近迂雙清溪繞門學陶潛白日關
華棟坐收千嶂勢豐碑留作百年顏
藏修勝地

雲仍在車馬聯翩去復還

進士朴俊坦

消憂亭

消憂軒亭道一所構在臨海津

江嶂南開眼豁然風軒俯壓鏡中天蒼屏削立千層石鍊帶橫褒十里洲靜裡琴書塵不染遂初日月夢長懸無限時憂消遣意隔籬呼取野醪傳

原韻

重巒疊嶂忽呀然南圻平湖萬頃天倦鳥知還元亮宅被羊垂釣子陵洲剌朋招隱琴論曲海客談瀛榻解懸銖視功名泥富貴府卿那綏莫謾傳

獨悟堂黃快

吾與亭

漁村楊暉所構在烏項洛江崖

江梅初為歲寒栽誰料春來尚未開桃李如今方張王愧將

谷南

面谷釜

面

寒瘦妬蜂媒

南嶺孤松萬丈長坐者終日託心腸
傍人莫道槐黃近萬曆
年中老上庠

原韻二絕

晚翠亭

晚翠虛沉所構在金泉里

窓壓危巖百仞頭望中烟水遠如浮
千鬟列岫當軒秀一帶
長川抱野流對酒酣歌懷轉壯登臨
還愧鬢添秋東風可寫
橫空鶴何似蘇仙赤壁遊

原韻

十里湖山入馬頭誰家精舍畫中浮
文章伯仲盧司馬道學
淵源李曲流月到風來知意味花開
葉落記春秋平生景仰
真儒在出自衙門愧我遊

李侯

我石軒

我石成圭鐫并構在石洞

擺脫儀容不整衣瓦爐吹火酒醺微數旬
酷沍冰相合一日纔溫雨又飛世事難料
無裏起天心自向靜中歸終知得失
傷閒性抵老怱怱樂界稀

原韻

嘉陽齋

進士吳尚源杖屨地後孫所築在米山

斯齋新築水西東祖徽孫壘一脉通
舉世馳名夷險際讀書寓樂古今中
潭影共看眉茁月鄉歌如聞首陽風
春雨秋霜多感地願從諸族永年同

後孫
護煥

火嶽眉岑拱北東嵐光淑氣暮朝通
高賓杖屨留門外諸子絃歌聞室中
接檻烟霞橫野色滿庭花卉饒春風
伊今肯構

退先志傳及雲仍世世同

校理李益淵

漁父亭

進士河溥別提河灌通判河泓所構在大野

達人從古混樵漁門對長江柳蔭盧遠渚鷗牽華胥夢空階
寫印史皇書椒聊十世蕃昌久棣萼三昆友悌餘想像當年
莞爾笑真心不向楚累舒

晚來李種杞

樂在山樵兼水漁囂塵不到上仁盧忘形晚得魚鰕侶往來
頻驚蟲篆書廣張鈞周時已遠一絲扶漢志猶餘欲知三友
名亭意省取江雲自卷舒

艾山鄭載圭

東山堂

東岳盧善卿沃村盧克弘月村盧世厚菊潭盧
陵尸祝地後孫所築存菊洞

庭院恢恢洞府深更憐花不繞蒼岑邊儀久曠墟為草學制

重詳士似林敢諛詆佛勤王意益慕尊師攘狄心後進中誰
聰雋者勉修真業績遺音

後孫相稷小訥

俎豆遺墟草色深一朝棟宇起崇岑改扁自合題堂字敦事
寧煩速士林柱石曾蒙君上答鉢衣傳得大賢心於茲講學
須勤勵永使吾門不絕音

後孫在馨東籬

慕玄齋

雙梅堂盧時鑄遺躅後孫所築在玄倉

才疎自愧際休明晦迹江湖不願名詩禮詎能傳舊業友恭
惟冀繼家聲移梅庭畔追思切揭號堂中感意生昔四今雙
吾父子念茲無忝是深盟

原韻

滄江亭

盧鎮宏杖屨地男湊學所築在玄倉

亭此成先志高深制得中
牕涵半江月軒納一山風
烟火雖相接囂塵幸不通
茲焉娛晚景盡遣俗愁空
漢學

高閣臨江上偉冠宛室中
仁人生孝子勝地有遺風
飲射規條定長林路脉通
滄波醺不盡客滿酒無空
小訥盧相援

克己齋

盧泌湖所構因為號在東山

東山淑氣遠來含火旺之西
大見南陞庭講禮迎多士對
紫劬經約二男梨房別業松
林莞沃野農功稼穡甘徒費
心中憂國計書生缺略盡清
談

原韻

二水亭

芳族盧秀五所構在登林里

洛水黃江始合洲觀瀾無術
乃吾羞有時清濁令人取不
舍

高岩面

畫宵放海流宗族同功非獨樂先塋餘地是名區涵風漾月
無邊景吟弄歸來意味悠

原韻

亭上高人宛在洲江風江月兩無羞剛憐一鑑兼天淨不管
虛舟逐水流花樹歡恩輸勝景山雲功業夢深區病來違越
沂濱侶希瑟聲中意轉悠

俛宇郭鍾錫

冠山齋

寒岡所構沃村盧克弘傳受在月未里

斯齋授受自吾先保守居然四百年東國大賢絃誦地南昌
古郡水雲天已存道學明如日美取文章筆似椽寄語後來
勤用意憲薰宜讀發揮篇

沃村相益大訥
後孫相益

八塾吾鄉此最先舅傳甥受賦歸年清川白石真仙境霽月

光風更別天盛蹟多時嗟茂草家君當日起新椽
美牆風樹西懷切不肖敢題詩一篇

沃村炳鍾靜軒後孫

月村亭

月村盧世厚遺蹟後人所築在月未里

當年講道地今日屋新成園接冠山塾門臨火旺城士林尊

實學後裔寓微誠一片峯頭月夜夜入軒清

後孫炳鍾靜軒

盤谷亭

盧希簡遺蹟孫啓洪所築在月未里

夏山雙角鬱崔嵬爽塏盤盤一谷開石澗狂奔雷百瀑林花

亂落錦千堆共隨猿鶴雲中去獨抱琴書月下來李愿昌黎

俱已古膏車秣馬復誰回

原韻

晚古軒

僉正孫壽山杖屨地後孫所築在晚村

有餘力誦詩書于冬夏分博文窮理之功效益深伊吾人修
百行其維何芳發源孝悌而本諸惻隱心盡已之心謂之忠
孝為人謀事君上而惟日欽欽有孚盈缶謂之信孝與人交
行蠻貊而諒悲悅杏壇設教惟以四兮嗟我後生兮相與歲

後孫 佺 儉庵
花樹會詞四章抄一

杏東齋

金氏義庄在桂上里

老杏叅天大地東青山為屋挹清風茅茨八九間長架詩禮
三千卷下工隨柳前川春學少咀英殘燭夜呼童最憐松竹
臨庭際不使繁炎一榻中

蓮泉金錫輔

鄒魯遺儀最我東重修書屋挹儒風
池夜活游魚氣庭樹

春深習鳥工文酒一枰會賓友絃歌四壁聽兒童登臨休道
無奇勝泉石居然在此中

碧桂金浩龜

碧桂亭

碧桂金浩龜扁名在桂八里

棟成一日桂林中俯仰乾坤感未窮後裔真工依講樹古人
餘思抱枯桐烟霞護境心常靜山水留行席不空舊物吾家
有光霽何妨吟弄弟昆同

男協東

積歲經營在此中追先感舊意無窮門前自有觀魚水樓下
新栽侍鳳桐苟欲學文須篤行但教充實莫談空子孫得寓
羹塲裏可述遺謨世世同

孫熙琫

道南齋

石窩文蘭宜杖屨地校孫所築在甘洞

面山城

儒道吾東作指南文明元氣火山巖四時閒趣雲留洞千載
澄心月照潭貽後嘉謨付經一承先微緒有憂三常自扁名
煩勉勵程門當日豈虛談

後孫震奎

道南齋建道之南斐几林窓滴翠嵐筆勢抽峯羅列五詞源
連峽倒流三溪雲曉起寒侵戶尾溜風翻細落潭鳥習園林
駒食藿箇中風月任詩談

後孫在赫

竹林齋

守拙軒尹晴杖屨地曾孫黏甲所築在臺山里

瀟灑軒窓隱石林登臨吾輩若為心千章宰木年年雨一樹
庭槐世世陰岳色春秋無本盡泉聲日夜不經琴扶持自有
經綸在富貴者他得失簪

後孫永奎

陝川
面川 陝

達人從古愛雲林白石清溪最補心
素梓百年餘古宅楸梧一壑散清陰
松燈夜永閑黃卷竹館風微替素琴
只望兒孫世文種當年吾祖早投簪

後孫成采

涵碧樓

在南汀

北來山陡起東去水漫流
鴈落頻洲外烟生竹屋頭
閒尋知意遠高倚覺身浮
幸未名韁絆猶能任去留

退溪

清襟亭

清襟李元慶粧點後孫所築在內谷

十載逍遙上谷間
有時風月落毫端
箇中真味猶堪樂
何似蓬辰出故山

原韻

雲圃亭

雲圃李震所構在紫谷

十雲詩抄總論一絕

面俾伽

有圃在山中種蔬蔬不熟惟生十種雲日夕相追逐
原韻

非爾不成雨百嘉待歉熟仁天每驅使未暇閒馳逐
凝寓李源祚

海氛尚未晴往事思之熟但誦十雲詩嗟遺并世逐
漢雲金洛綰

籠山亭
孤雲崔致遠遺躅後人所築在紅流洞

狂奔疊石吼重巖人語難分咫尺間或恐是非聲到耳故教

流水盡籠山
原韻

小學堂
寒暄堂先生讀書所在崇山

業文猶未諳天機小學書中悟昨非從此盡心供子職區區

何用羨輕肥
原韻

滄浪亭
蘆溪安遇所構在佳峴

青德面

酷愛滄浪卧滄浪滄浪歌罷濯滄浪滄浪不負滄浪客朝我
滄浪暮滄浪

原韻

炎塵故故助詩班一上滄浪俯碧灣
哺子鷺聲紅蓼側喚船
僧影翠巖間不妨濯足驅長道
且要科頭看遠山
鋪歡免教漁父笑
靈均千載可能攀

佔畢齋

浩浩亭

磊谷安克家所構在滄浪亭東

嶠南元氣擅吾東先覺其人又見公
絃誦百年鄒魯地淵源
一脉晦陶風沉深雅器撓無濁
靜默真襟會有融歸卧湖亭
消世慮甚生氣味浩然中

梧里李元翼

黃江亭

黃江李希顏所構在城山

思君霜月正離離
新鴈時來旅燕歸
紅葉滿山全有
色青松留怪
半無枝侵凌白
髮愁為攢鳴咽
蒼生愁益飢
果腹噓懷書
不得黃江老子
爾能知

江燕差池雨欲昏
麥黃黃犢不能分
向來客意無詮次
旋作孤鴻又作雲

南冥 二首

觀水亭

遊齊李陽柱所構在黃江亭前

亂樹會巖一小亭
幾年頽廢白鷗汀
重修破壁繆新戶
更剪荒茅築舊庭
竹塢雲烟垂晚景
沙洲花卉貢清馨
登臨亦有吾心感
介石遺墟草自青

原韻

浩然亭

二樂堂周怡所構在文林

栗谷面

襟懷自是慕淵明肯佩牛刀滯武城白石清川紅樹裡依然還作一書生

原韻

碧寒亭

无問堂升絢所構在伊泗里

龍洲面

天地容吾拙江湖有釣艍蘆花明月夜聊復送餘年
來訪西湖處士居林泉長物只圖書世間榮利何須到一點
浮雲過太虛

修巖柳 衿

德淵齋

敬庵文東道所構在高品

一房鏤壁未完窩夏畏朝陽雨畏斜來客不知吾計拙東頭時勸數椽加

原韻

鳳棲亭

梧溪曹挺立所構在金鳳里

原韻十詠抄四

鳳山面

赤中面

大陽

岡雲帶晨光
映青梧樹須更遍
巖阿欲化朝來雨

右梧岡曉雲

青青洲上松
濬濬松間月無時
非可愛霽影尤奇絕

右松洲霽月

藍田種後骨
巧斲因成形蒼苔不
上面千古立亭亭

右玉筍孤峯

不教人掃石
斑斑落花春峽裡
見繁華天開錦繡茵

右錦繡奇岩

月華堂

正郎盧克復所構

仁祖嘗親臨命名堂號在

憶曾吾祖築斯堂
蘊德重兼除運昌
召使金章同禦敵
長陵

玉駕早臨床
菁莪四域多尊衛
花樹千年送吉祥
敬義丁寧

垂後意敢言
紹述在酣觴

後孫應詠羅圃

道川亭

松湖沈自光月溪沈日三杖屨地後孫所築在伊溪

惟川有道一泓寒
碧江漢其宗淮肥
其脉翼然臨上松
蒼月

面

白蹈刃如屢灑血如瀆表揭忠義天褒赫赫有姪能繼一副
家學墓栢成枯藥銘不泐之忠之孝片片誠赤孰非臣子想
慕遺躅遽豆既撤窓室靜肅草木含馨湖山出色陟降洋洋
如聞歎息凡百君子視此楣刻

拓庵金道和銘

居昌

面川月

望北亭

孤隱李志活所構在茅溪

夜夜相思到夜深東來殘月兩鄉心此時寬恨無人解孤倚
山亭淚不禁

原韻

蜀魄聲中坐夜深空山片月識公心聊知望北亭成後觀感
千秋益不禁

府使尹彛鉉

四樂亭

司直全轍所構在迎勝里

退溪四樂韻

我識田家樂春來播土烟苗生時雨後禾熟晚霜前
官租陶孟會俗筵何如金印客憂患送流年 右農

我識蠶家樂年前曲薄修光陰催種浴眠起趁桑柔已喜全
家暖無憂欠債酬何如紉綺子嬌艷鬪閒愁 右桑

我識漁家樂柴門住岸傍禽魚慣情性雲月老滄浪喫酒村
沽美烹鮮潤毛香何如萬錢客覆餗禍難量 右漁

我識樵人樂生居洞裡村相呼入雲遠高擔出山昏愛伴心
同鹿忘形貌似猿何如名利客平地見波翻 右樵

凌虛亭

蠖溪鄭玉堅所構在薑洞

八世吾先此釣遊猿山之麓蠖溪流耕桑好與箕裘業軒冕

面

避辭桎梏囚黃卷兒飭燈下夕丹楓翁醉雪前秋箇中自有
凌虛術萬事人間信是悠

後孫璞南屏

樂水亭

樂水慎權所構在搜勝臺西

亭於山水間愛水非遺山水自山邊出山從水上環靈區由
是闢樂意與相關然為仁智事舉一猶慚顏

林泉甘老地小檻下清幽洞鶴留仙跡岩龜送客愁登臨惟
自適聞達不須求時有漁樵伴相尋碧澗頭 原韻二首

觀水樓

在搜勝臺東

龜淵源接泗洙汀活潑清流繞庑庭混混續來知有本悠悠
過去自無停盈科豈憚經千曲勇進終能達四溟觀水名樓

誠有意有形觀處覺無形

黃昇慎守爨

自怡堂

葛川林薰所構在葛溪

獨酌茅簷下三春欲暮時山腰雲漠漠池面雨絲絲紅白花
將謝高低樹欲肥光陰如許好輸寫一聯詩 原韻

龍岡齋

龍岡林東翊粧點後孫所築在自怡堂東

龍岡樓寓昔何年精彩如今想過賢遺裔開恢新棟宇故山
粧點好風烟松門冰玉曾齊美葛塾芳篲更十全也識貽謨
終有述剌教堂構肯相傳 倪宇郭鍾錫

聽松亭

聽松慎復行所構在農山

何處容迂拙臨溪屋數椽青編插架上華髮滿頭顛多病人

雖乘知音鳥自翩春來多野趣帶雨脩耕田 原韻

聽松亭上送居諸老境襟懷任自如
簪納涼風三伏後憲舍新月二更餘
蒼顏照日同花艷白髮逢春共柳舒
渭水從今光彩倍長期萬世樂樵漁

桐溪

某里齋

桐溪鄭蘊所構在某里

經營強二載杖屨始今朝草樹呈新態
雲霞似舊要蕨肥饑可療泉冽渴堪流
七十年前事追思愧意饒 原韻

花葉樓

屬某里齋後人所築

崇禎年號止於斯明歲那堪異曆披從此
山人尤省事只看花葉驗時移 原韻

面祚加

原泉亭

訓導全敬倫所構在原泉

混混原泉上誰知勝景閒
亭聲聞落子塘影見青山
人是烟霞裡地非塵世間
梧桐明月到彷彿西岡還
桐溪

龍山之下朴儒東中有全公處士翁
我愛泉亭揭以號至今
惟有先生風

龍州趙 綱

晚鶴亭

悅亭下惟道所構在馬岩

栽樹汀東闢小構居然錫號鶴緣奇
擇處終成仁里美講求
要得道心師與同樵伴兼漁適
留取泉甘又土肥守拙亦為
安分事藏書容膝晚年基

原韻

草堂初構小溪上景物烟雲一倍奇
時喚友朋修契約日教

童州問儒師成村成巷隣風睦宜子宜孫家道肥陀烈從來
無盡福應知付與此新基

松川金千鑑

龍泉精舍

桐溪居廬地後人可築在龍山

蒼松綠竹是誰栽三尺貞珉不蝕苔蹈海英聲千古振採薇
歌曲一般哀白雲深處山高立黃菊開時客再來老更檢田
歸去路始知羞過子陵臺

無名齋金麟淳

天湖松栢鬱蒼然忠孝吾東又一賢三霜往蹟青山在萬曆
孤枕白日懸彤管掃苔書絕壁玄尊泛菊酌重泉庭梅園竹
皆青史逾覺清風百世傳

弦高尹東野

心齋亭

華谷尹牧善粧點後孫所築在梁項

面下南

悽愴先靈若降臨古壇松石想真衿
至今夜月長江水不盡
春風兩岸林曠野晴嵐移妙墨逗雲橫
鴈入高琴憑軒眺矚
常如古易捨難存奈此心

後孫曹夏膠宇

澹湖亭子泛如船下有明沙十里川
願君一借君山笛吹撒
千巖萬壑烟

南黎許愈

引風亭

默逸慎致中粧黥後孫所築在栗里

亭亭物表是閒翁樹樹聲來穎笛風
光吐桂香堪寓目涼生
蘋末豁開胸規模顏樂冲和襲美景
曾雲活理通却怕是非
喧到耳青山無語水如聲

柳溪宋錫一

一源亭

鄭圃隱吉右隱金江湖金佔畢齋金寒暄堂鄭
一盡趙靜庵七賢戶祝所金在德所構在莘巷

面上南

盛陽
面陽盛

湖上新亭未易為經營此地幾多時吞吐魚龍都水口鬱葱
花木衆山眉吾道由來傳且受其宗獨得見而知遺風百世
追思劫況復斯文際盛衰

金在德

倚檻追思昔有為瑤琴勞理絕絃時一值止朝取態掌事悲
晟世嫉娥眉獨也先生明哲在因之後學見聞知洲岑拾蟹
當年趣遺與來仍澤不衰

倪宇郭鍾錫

學士樓

在郡衙東

頭流秋氣日稜稜曲檻踈櫺却懶憑牆影半隈三畝竹樓陰
全護一池冰使家號令真流水徭戶藏奸若亂繩酒散客歸
歌枕睡夢魂猶自卧青綾

佔畢齋

池谷面

教授亭

德谷趙承肅所構在德岩

負山臨水卜幽居
月夕烟朝興有餘
京洛故人如問我
竹林深處卧看書

原韻

臨溪茅屋獨閒居
月白風清興有餘
野客不來山鳥語
移床竹塲卧看書

冶隱

晚歸亭

介隱鄭在箕所構在介坪

休言晚歸來晚歸
猶賢已何似營營人
終然不知止

自是溪行不偶然
老夫留待幾多年
門無輟跡踈塵世
案貯詩書對聖賢
臨水觀魚因放杖
入園聽鳥却成眠
雌黃更莫來相問
劫界偷閒即一仙

原韻二首

二樂亭

遜齋金巖立所構在西溪

仙山鬱鬱閉柴扉卧看雲林鳥倦飛詩廢豈憂工部瘦理勝
還要卜商肥月明蓮社神遊久春晚芹宮跡到稀萬事人間
吾已脫說難篇裡笑韓非

原韻

歸來亭

九柳齋鄭轅所構在泥田里

昔有陶徵士今省栗里村千秋如符合氣味乃相存

不有陶徵士胡為栗里名植松舍晚翠栽柳欲先青醉石人
誰卧素琴自不鳴葛巾吾恐負漉酒走尋聲 原韻二首

弄月亭

知足堂朴明博所構在桂林洞

路傍誰識別區幽山若盤回水若留映砌池塘澄更滿撲窓

安義面

席卜面

嵐翠捲還浮兒飢不愠饘糊口客至寧嫌屋打頭莫道散人
無事業晚專邱壑亦風流

原韻

三五亭

三五堂朴德聰所構在三搜臺上

江村無事裡槐柳手栽時既憶人間貴兼懷物外奇報功天
若必投散樂何期合此聊成趣知君與遠馳

原韻

學爲何所學夫子聖之時處已皆由正臨民莫用奇人從誠
敬進道可聖神期敢不遵遺訓尋常戒背馳

瞻慕堂林芸

尋源亭

遜庵鄭芝榮所構在尋真洞

武藝出身二十年守邊幾作海中客濟衙遜日斯亭成一洞
居然我水石

原韻

夏木蒼蒼地氣靈繁陰缺處見飛亭樓涼峽色侵空檻境僻
灘聲落半庭知是山來無此景更將花省勝其形這間真樂
誰能識軒下悠悠水自醒

縣監沈宜鈞

五可亭

柳德新所構在石盤洞

亭名五可意何如取義無多興有餘釣水採山盤谷樂栽花
時竹仲長居床頭綠醕身將隱世上紅塵跡自疎更賀二郎
勤向學時時出洞問詩書

滄洲鄭光淵

居然亭

花林齋全時叙杖屨地後孫所築在鳳坪

老居猶餘興佳辰輒有行名區三洞地全氏百年亭人在先
天界山舍太古情幽閒兼故豁微詠下空汀

淵齋宋秉璿

西下

臨流小閣倚岩扃勝境輸奇不秘形石氣清涼通骨髓潭光
澄澈照心靈花林風物傾三洞微老雲仍管一汀此趣鼎鍾
猶不換肯教文士北山銘

金啓鎮

松亭

贈參判全瑾所構因為號在松溪

逢逢澗畔而松亭根托閒庄影襯庭歲暮天寒霜雪後萬山
黃葉秀孤青

原韻

蒼髯赤甲共亭亭為護閒區處士庭羞作朱門桃李態紅塵
何似雪中青

四美堂金虞錫

三危遠客過斯亭特立孤松處士庭為撫盤桓歸未得歲寒
孤節晚含青

蒼巖趙道彬

君子亭

老圃全世澤西岡全世杰所構在居然亭下

亭下源水亭前淡淡風萬理流行處無由贊極翁

夕慚連海月朝挹點臺風講魯尊周義請君問晦翁

老圃
二絕

天高開霽月水活動光風太極涵真象濂溪卧道翁

舟湖濂溪泓襟清洛水風優遊洙泗大會聖紫陽翁

西岡
二絕

小亭臨水築緩步挹光風世遠文猶在楣題仰晦翁

錦谷
宋來熙

扶溪精舍

扶溪田東淳所構在扶田洞

嵌巖未必士攸廬境到清閒可遂初光前寤寐龍門築閣後

經營鹿洞居白髮欺人當世志青山知狀暮年書漱流枕石

堪怡悅更覺扶溪日月餘

原韻

面上西

山清

面清山

換鵲亭

在郡衙北

瑤池何必作仙遊此地風光足上流一笛聲中春欲暮滿江
明月載孤舟

德溪吳健

鏡湖亭

鏡湖姜大延所構在正谷

屋後溪山碧窓前鏡水深自慚仁智樂卜築又何心

多病年來故舊稀茅茨盡日撿柴扉月到風來清意味窮飛
魚躍活天機三尺桐琴彈街街一樽菊酒醉微微終老林泉
於分足青雲豪士莫相譏

原韻二首

鳴玉亭

宗衡趙膺奎所構在智谷

兩世居山買石堆棟成今日一區開烟霞滿壑多新趣花木

培庭感舊栽惟有園蔬優客供
好將書籍待朋來最憐寂寂
孤亭夜漱玉鳴泉枕下迴

男鏞韶

山天齋

南冥曹植所構在德山絲里

請看千石鍾非大扣無聲爭似頭
流山天鳴猶不鳴

原韻

雙梅亭

雙梅閔濟淵所構在眠湖

雙梅階下植東西培養年來愛
取奚瘦骨當年凌臘雪明春
消息訪寒堤

雙梅階下植西東朝暮培根日
費工分付花神冰蘂護莫教
飄送北風中

原韻二絕

卧龍亭

龍湖朴文樸所構在鏡湖上

柴扉分占此江濱一約丁寧共釣綸堪笑浮名能戲事忍看
思老跡成陳

原韻

岸上高亭壓水濱一生襟韻在垂綸當年共結江湖約誰謂
人亡跡已陳

松灘鄭弘緒

晦亭

叅奉間在南所構因為號在大浦

大笑八山來乾坤靜裏閱世情隨物遣心事與時回僻處因
安土窮林任散材無言黃卷對真意轉悠哉

原韻

宿鷺亭

全上所構在夢巖臺上

十年湖海羽衣過鳬沒鷗沉到處多暮入夢巖臺上宿滿江

蘆月息風波

原韻

寧寧

面谷七

嶠南樓亭詩集卷下

五十六

學稼亭

秋江南孝溫所構後人重建在閩山下陶山里

二六貞臣相後先義均死日與生年豆籩舊院空紫草杖屨
遺墟久鎖烟孤竹清風曾不盡秋江明月更無邊亭名復起
閩山下緬憶當時濁酒筵

性齋許傳

秋江老子亦扶陽緬仰高風百世長披腹一言誠可質輸心
六傳義尤光挺松如聽當年瑟古澗湏澆此日觴學稼名扁
寧偶爾摩挲不覺泣遺香

艾山鄭載圭

竹林精舍

茂才田著國所構在閩堀山下

眉叟八詠抄三

卜居近林壑愛此山水清陶然想太古窈窕無俗情蘭若隔
雲壑清曉聞鍾聲

其一

大義面

春峽暮愈碧景物晴更好崔嵬青犁牛騰蹕勢傾到天空月
色出遊氣淨如掃浩歌動高興曠然遺塵惱賴有山人與
我同懷抱

其五

聖人既已遠鳳鳥久不來至今清溪濱空餘翠石臺嗟我抱
琅玕悵望徒自哀白日碧山靜滢蕩知春迴尋花恣幽步此
意何悠哉

其八

寒泉亭

陶丘李濟臣杖屨地後人所築在慕義

望野黃兼綠看雲白又玄陶翁知止處知是為寒泉 原韻

二宜亭

眉叟許穆杖屨地後人所築在眉淵影堂前

山樓清絕似瑤臺不許塵人一上來留與白雲封小逕放教

明月照深盃風流舊日同垂柳標格殘年愧瘦梅間字諸生知有味襟懷須向此中開

傍孫贊素寓

沙月亭

正郎姜壽男粧點因為號後人所築在遜岱山

鼎水澄澄抱遜墟千秋高躅一高廬移孝為忠真素履捨生取義彼蒼虛江山依舊遺芬在棟宇重新閱歲餘風趣興感登斯夕肯頌沙明月上初

傍孫佑永

高山齋

雪山齋安如石所構在立山

有山不可我居無仁者工夫勝樂湖飛白啼黃羣鳥態半閑時落雜花株詩因老去篇將感病得閒來氣欲蘇春色任他年少愛強撚朝榻二毛鬢

原韻

面林富

面德龍

朝陽齋

癡史安鑽所構在阿次山

歲暮經營此一堂不妨棲息在中央
心涵流水齋齋白氣湧羣山點點蒼
龍蛇往跡松杉老魚鳥前磯簑笠涼
憶昔少年如昨日強將華髮濯朝陽

原韻

以會樓

三守安英濟所構在阿次山

九曲灣回百尺樓樓臺差強罷塵愁
雲飛鳥過蒼山外浪打龍吟白石洲
獨抱琴書多歲月靜觀花葉自春秋
濟川誰是稍工手葭露蒼蒼溯我舟

原韻

鷺湖亭

守吾安翊相所構在泊津

非敢肯堂亦體先鷺湖泉石我居然
遺兒楣墨還多愧賢祖

樑歌是永傳點點蒼山雲影外雙雙白鳥雨聲邊朝陽以會
精輝在杖屨逍遙已昔年

原韻

天心亭

李宗黃所構因為號在中橋里

心亭新構道山眉吾祖前徽感此時寓慕羹墻知有所逍遙
杖屨亦於斯輪蹄不絕陶溪畔魚鳥相迎虎水涯教子數孫
垂後計案上堆積古書詩

原韻

中和堂

和軒李宗郁所構在中橋里

石逕崎嶇谷口深世人誰肯為來尋穿林渡水朋來遠可見
吾兄致友心

原韻

志古齋

李暉徵所構因為號在中橋里

齋名志古仁山下睡覺東窓正日逢車馬不喧門巷靜何人
是是與非非

老來新卜樂吾天物外幽居絕世緣榮辱元來真不到朝吟
暮誦送餘年

原韻二絕

文山亭

文山李洪錫所構在陶溪山下

生來有志卜幽居幸得茲山結小廬卉木成林聞好鳥溪塘
蓄水見游魚多情每下迎賓榻一念猶存教子書風月烟霞
皆所樂殘生宿願更無餘

原韻

篤行清修樂隱居文山尚有一精廬古木春深投宿鳥方塘
風淨躍游魚連江遺法承師旨山海遠源讀祖書苟合還成

輪奐美賢男又是食其餘

響山李晚燾

竹林窩

竹林李鍾澤所構在中橋里

道山側畔竹成林重結茅堂意更深青簡傳經思子教芳樽
浮葉供賓尋露中題畫吟高鳥月下無人撫短琴終使居翁
幽不俗悠然涵養自家心

原韻

蓬萊亭

李氏義庄在來濟

新樓肯構百年心情話渾忘五夜深俗遠詎云仙侶學春來
却喜故人尋幽園刺飽芝蘭馥亂界愁聽鳥獸音寄語諸君
勤讀業線陽回古豈如今

濟厓李元在

晚松亭

希覺堂李絢基所構在昭明山下

生來山水趣晚得築吾居泉石深無內庭除小有餘藤蘿任
自長蘭菊要勤鋤借暇桑麻隙教兒讀古書 原韻

峒戶塵機息鹿豕接起居閒情仙九分真樂子三餘桃水理
花綱芝山採藥鋤林泉康濟足成就數椽書 農山張升澤

名士亭

舞山李煥基所構在舞袖山

晚築斯亭得地深遊人為我每相尋池邊月照頻傾酌松下
風來獨抱琴碧甬當窓生逸趣澄江掠野豁煩襟嘉謨無以
遺孫子耕讀中間守此心 原韻

西叟軒

西叟李正厚所構在來濟

修身立家道率妻和閨門入則盡孝友出外致恭溫奉祭固

殫誠接賓必厚思是非負如勝侮虐安而受對酒思禹戒見
色念孔誨富貴是浮雲得失皆分內勤學務農業尚儉遠奢
侈深慮用寬恕世世可傳此

原韻 長篇抄略

清閔堂

無聞軒李澈厚所構在來濟南

居然泉石買南隣竹下幽庄遠俗塵數笏青山交案時一簾
寒月入懷新菊松氣味何由並芋栗生涯亦不貧階筍日成
清閔趣春窓獨坐夢醒人

原韻

紫巖亭

紫巖姜慶昇守初姜吉昇櫟翁姜顯昇所構在德川里

岐江歸路紫巖亭博帶深衣洞主迎為有金陵鷄黍約愛君

泉石且留行

桐溪

柳谷面

平生景慕紫巖翁
路入荒墟益想風
絃誦變為山鳥語
碧溪鳴咽夕陽中

澗松

學稼亭

秋江尸祝地
後人所築在板谷

古亭學稼壇
宜州豈為汗漫觴
詠遊名鄧千秋猶未忘襟紳
合議與焉修

判書趙同熙

宜春名勝冠南州
特以先生之所遊
亭子一成長不朽
前人瞻慕後人修

校理郭璫

四美亭

聳叟李山立所構在花柳洞

數畝山南卜此亭
超然見機志先靈
曾緘御題忠仁鉢
晚謁宜翁敬義型
濁世繁華夸客遠
閒區水月自家惺
兼將內美

名諸四花柳洞天翠似屏

後孫鉉祚洛塢

先生遺躅有孤亭水麗山明得地靈八字絲綸傳世寶百年
詩禮保家型深山卧病逃塵累每日工夫喚主惺欲識當年
秋夢意至今留在好雲屏

後孫根王吃窩

過川亭

吃窩李根王所構在花柳洞

兩巖相拱抱川腰晚歲纔成一小寮隨柳訪花將近午對山
臨水又終朝罷釣歌歸餘興在捲書端坐百憂消安分由來
身不辱白頭只自任逍遙

原韻

空濛嵐氣擁山腰澄碧川光映綺寮蔣氏賓朋來竹筵韋家
宗族集花朝追思前輩風流盛每憶名區鄙吝消我有新詩

先寄送將身何日此逍遙

耕齋李建昇

悠然亭

尼山南延瓚所構在板谷

南山清且秀長對意悠然松栢歲寒後菊蘭秋雨前課兒讀
古史戒僕理荒田何妨居幽獨鳥林魚伏淵 原韻

聞爾南山屋柴桑豈獨然香樽明月下流水落花前
王學秋深五子田優遊以卒歲土鼓長淵淵 響山李晚壽

偶愛亭

夷川南昌熙靜齋南台熙所構在板谷

怎把茅簷寄此間不徒山水好閑顏弟兄晚計堪將就
遺芬亦可攀人事悠悠衾被冷真詮杳杳鬢毛斑
終難報夜夜權歌入夢還 夷川

德陽亭

慕巖姜普桓所構在德川里

卜得茲區一座山山清水麗溯洄間隣翁野老相酬席諸子
孩孫各獻顏塵世浮榮人盡醉松關幽趣我惟閒
誰同樂晚壑斜陽好鳥還

原韻

紫薇亭

茅隱李午莊點後孫所築在茅隱

往年對紫薇今年對紫薇年年花下醉只在似相隨
東風歌採薇蒼蒼日夕曛幽趣誰能識迷迷絕世塵

原韻
二絕

栗澗亭

副提學李仲賢所構在紫薇亭前

栗溪鳴汨瀟漢樹鬱蔥籠亭子新成日弟兄恨未同秋高姜
被冷霜落謝塘空風雨聯床話那堪逗五中

原韻

感安
面仁山

四葛齋

同樞李倚望所構在栗澗亭東

松暗水流寒花開山氣暖夢罷千禽聲白雲庭上滿

苔生連淨几葛蔓過高簷詩書有味風月取無嫌

原韻
二絕

茅山亭

鮑德庵李潤德所構在四葛齋東

原韻八景抄二

碧山日暖欲燃花春色玲瓏雨後霞多少風光誰管領鶯歌

蝶舞夕陽斜

右鮑德花木

高秋八月露為霜一夕奇觀萬樹光紅葉隨風翻錦繡我車

停處暮山長

右壯元霜葉

東山亭

判書李好誠杖屨地後孫所築在儉巖

依山茅屋枕長流萬柳陰中一境幽頭白弟兄相對處不知

面

人世有閒愁

後孫傳 篁谷

聚友亭

徵士安灌所構在士樂洞

小堂蕭灑爽靈臺俯瞰清川百轉來
崖外尖峯文筆秀原頭高樹綵旗回
樽因好客尋常滿花被東風次第開
老我如今何事業不妨相聚共啣盃

浣川堂朴德孫

採薇亭

漁溪趙旅杖屨地後孫所築在院北里

九月九日是重九欲酬佳節登高岡
白雲飛兮鴈南賓蘭有秀芳菊有芳
山明水碧烟慘悽風高日晶氣悽涼
荻花吐雪江之滸楓粧紅錦山之陽
杜牧既上翠微由陶潛悵白衣郎千載
風流如昨日至今豪氣凜秋霜回頭舉目
江山暮地

面北 郡

濶天高思渺茫義軒遠矣悲何極華勲不見心自傷
沉吟筆下乾坤濶爛醉樽前日月長嗟哉潦倒生苦
晚懷佳人兮不能忘

原韻

西山堂

漁溪全鄧地舊西山書院後孫所築在伯夷山下

前乎周孔出三仁箕子明夷獨一人貞鄧先生誰復識
中庸君子即其倫院宇當年天額煥亭臺今日岳光新
要着義理撐支力百世乾坤左海濱

後孫貞奎西天

卧龍亭

南樓黃鼎采所構在月村

男基永

梅史

十景詞抄二

夕陽好欲落在山頭方丈萬重巔王立汾江百里紫霞流
百鳥向林投紅的歷山色十分秋南浦蓮舟歸盡西巖蘆笛細

將休待月倚西樓

石牙峯落照

家在滄浪西畔水白蘋花落鱸魚美舴艋小舟棹雨裏入沙
蒲綠簑衣整卧艫尾更與白鷗尋晚止笛聲吹斷夕陽紫潮
落放歌歸去矣歸去矣洞庭風浪無中起

右細浦歸舟

無盡亭

執義趙參旣構因為號在槐山

送迎清風明月上下雲影天光六經咀嚙忘食七棣立揚稱
觴

漢書循吏治績元佑完人行休矣獨田園自樂亦當民國先
憂

後孫
曷奎

一山
二絕

伴鷗亭

斗巖趙邨所構在長巖里

事親當盡孝為國亦當忠嗟我俱無及江湖恨不窮

洛水之陽名勝區君恩許我此間遊翳塵不到閒翁耳踈雨

三更夢伴鷗

原韻二絕

合江亭

澗松趙任道所構在長巖里

原韻十二詠抄四

望慕何由見松間宿草荒空懷風樹恨莊誦蓼莪章

右望慕庵

魚躍千尋水鳶飛萬仞天天機能自動至理此昭然

右鳶魚臺

皓月明如畫平沙白勝銀神清無夢寐眼界絕纖塵

右沙月樓

潦盡潭澄後天空月上時片舟能倒影此樂也誰知

右弄月潭

岳陽亭

岳隱安孝淳所構在西村岳淵上

中夏已陵又我先樓名以岳豈徒然東南圻濶餘無地上下

浮空別有天政僕如滕來且暮文希屬范志宜宣衰年任作
江湖客謾使時人號我仙

原韻

廣心亭

廣心宋知逸所構在鳳村

新亭高出大江頭自是閒人辦勝遊時把漁竿消世慮更將
詩句暢幽愁烟橫沙岸雲橫岫風滿疎櫺月滿洲賴有良朋
同此樂扁舟日日在中流

原韻

數間精舍傍農家門外漁舟繫岸沙知是武陵川路近滿江
春漲盡桃花

曾見緋桃近竹窓碧桃新種可成雙待得明年春色至交開
紅白映清江

蒼雪二絕

漆原面

晉州
晉州邑

何換亭

菊潭周宰成所構在舜沂

不獨桐江得地先
吾亭何換海東天
方塘水淨滄洲鑑
杏樹風清闕里烟
透去名關方快臆
隨時邁輟好休肩
三承聖命非吾分
萬事忘來足吾眠

原韻

風浴樓

屬何換亭後孫相文所築

恥將麟畫負鷗盟
鉞氣歸來不自鳴
水煖塵晴魚共樂
恢恢天地一身輕
西湖趙昌永

矗石樓

在州城南龍蛇之亂三壯士戰守于此義妓論介殉國于樓下江流

落魄江湖知幾日
行吟時復上高樓
橫空飛雨一時變
入眼長江萬古流
往事蒼茫巢鶴老
羈懷搖蕩野雲浮
繁華不屬

詩人料一笑無言俯碧洲

退溪

矗石樓中三壯士一盃笑指長江水
長江之水流滔滔波不渴芳魂不死

鶴峯

晉陽城外水東流叢竹芳蘭綠映洲
天地報君三壯士江山留客一高樓
歌屏日暖潛蛟舞鈎幕霜侵宿鷺愁
南望斗邊無戰氣將壇笳鼓伴春遊

青泉申維翰

隅谷亭

隅谷鄭溫所構在隅谷

進鳳山前戴笠人人夢花下舊王民
托盲去後今來見有目無言不死身

原韻

介石貞操不屈威生為臣子死無違
一區隅谷麗天下萬古

寺奉面

琴山面

網常小築巍山上樹留元亮柳塘邊草綠伯夷薇登臨頓覺
余懷感想像溪翁詠歎歸

南國昇

光風霽月亭

誠齋李禮勳遺蹟後孫所築在磨湖江上

霽月臺千古光風亭萬年江山難得主錯認幾人賢

原韻

光霽無邊景濂江千百年臺空人不見為問別前賢

後孫熙
夔晚悔

伴鷗亭

浮查成汝信所構在南星洞

原韻九曲抄二

我是江湖一散人行藏隨處任天真六曲澄澄烟浪濶葦林

長與白鷗親

右六曲

伴鷗亭下伴鷗洲曾是閒翁占斷丘忘機忘世兼忘我七曲

知為我菟裘

右七曲

二十年前此地遊，浮香亭上綠陰稠。
三於堂裏聯書榻，四有齋前點酒籌。
柳花烟杖三島夕，竹林風送一庭秋。
伊今勝事翻成夢，頽砌荒園恨未休。

台溪

台溪亭

台溪河濱所構在台洞

鳴石面

縛竹為椽號以台，依軒南望洞天開。
時人豈識台軒趣，花滿前山酒滿壘。

鑿壁為窓號以台，室中生白絕塵埃。
時人豈識台窓樂，對月携朋勸酒盃。

為愛前溪號以台，杖藜徐步去還來。
時人豈識台溪勝，二水清澄九曲迴。

茶洞面

大坪

移卜新村號以台竹竿閒拂釣魚臺時人豈識台村好免被
塵寰造物猜

原韻四絕

枕流亭

湖隱朴齋所構在三溪

偶作名區會金樽列後先江山新赤壁人物舊蘇仙
沙月鷗吟晚渚烟回艍綠潭上清興更悠然
北評事許宰
土沃泉甘別有天一區耕鑿似桃源松懸短壑光搖浪竹帶
層岡綠滿軒遠客棲遑聊住駕主人文雅為閑樽醉歸江路
沙如雪身世依稀訪鹿門

典藉鄭所

孤山亭

學圃鄭暄所構在大坪

初心不在利名間擬向湖山得一閒湖山亦未休塵事始覺

面

終難透此關

秋鷹整翮擬高飛其奈風狂雪又霏莫將腐鼠期呼我最愛
青山沒是非

原韻二絕

烟花三月訪孤山眼豁芳洲景物閒鐵笛數聲醒醉耳桃盃
頻舉破衰顏江湖白鳥誰羈絆天地蹇驢自往還勝地偶然
成勝會暮年松桂幸高攀

无憫堂朴綱

臨溪亭

臨溪姜深所構在雪梅村

紺岩山下雪梅村茅屋臨溪竹作門多病年來人跡少終朝
獨坐到黃昏

原韻

面谷大

山圍水抱自成村不是人間禍福門坐對竹林清意足一場

春睡任昏昏

敬差官金行

輦齋堂

輦齋李廷模所構在磨湖江上

磨湖洞北五山陽
霽月光風樂未央
爰處方知君子芋
桑麻

雨露日長長

原韻

觀瀾亭

觀瀾許國柱所構在濂滄江上

十載干戈掃塵餘
濂滄江上卜幽居
渡口行人如問我
竹林

深處卧看書

原韻

幾年荒廢待君閑
千丈澄潭百尺臺
身老已難供武服
時平誰復隱其雷
洲邊綠匝千株柳
窓外香浮一樹梅
鷗鷺烟波塵事少
笑他玄館看花埃

浮查成汝信

杏亭

杏亭亭重光遺址後人所築在清源

死可飢周粟生當掛瀨瓢回車及未遠世路多塵囂 原韻

先君遯世日段駟問顏瓢曠感斯亭下頓忘城市囂 舊庵

大哉春秋義辭鼎甘飲瓢由是堯舜樂先生志囂囂 齊山金聖鐸

歲寒亭

清湖李鉉鶴所構在清源智水上

一生書劍愧無成晚向松林結小楹琴上引風長颯爽雪中

留景自分明欣迎故舊閑幽逕刺借光陰遣世情始覺閒來

無一事第從雲鶴與同盟

原韻

天山齋

遯庵韓承利嘉遯地後孫所築在丁樹

遯祖始卜晉陽東白屋幽居碧樹中千里征騷嘶漢水百年

面城

遺蹟撼清風退身元自江湖迥求道何曾富貴同淨掃芳塵
重起榭雲仍蹈扞奏新功

後孫鎮行

天遙地僻此雲山守得先臺百世間桑梓連邱須敬止松篁
繞砌自幽閒舊榭如今增奕舄昌辰何日復循環聊當夙夜
師無憫肯逐時人互往還

後孫應東

養正齋

龍沙韓斌讀書所在丁樹

重營書閣訖今年吾祖龍沙有所傳聞道退門曾立雪存心
孝錄若臨淵溪山襲彩遺芬在圖壁還芳舊號懸修業能如
修此屋養蒙家學不迷前

後孫士源

某川精舍

松峯河龍運粧點男戴國繼構在士谷村北

水谷面

峯松蒼鬱坐於東晚計悠悠此一翁故我盤桓三逕闌憐君
貞鄧四時同好將詩韻常哦日獨抱琴絃靜聽風特立亭亭
人共老歲寒心事月明中

原韻

山海門庭大我東後來私淑有松翁沿流可見淵源正追類
從知氣味同側嶺橫峯皆至理孫枝子葉盡餘風問君自號
誠何意笑指寒天雪月中

南黎許愈

昌原

內西面

觀海亭

寒岡鄭述所構後人重建在校防里

我欲為亭近海灣座中誰作蔡西山桅橘梅筠須早植莫教
風雨六年間

原韻

龜巖齋

郊隱鄭以吾愛日堂鄭峯兩世尸祝地後孫所
築在龜巖里

數間新構王峯陽營築多年追慕長蘧豆斯延烟久宿院祠
舊址草曾荒郊爺奇業人皆仰愛日貞忠國有光早晚登軒
常寓目恪遵遺訓誓無忘

後孫
王權錫

王川精舍

王川金容根所構在內城里

王女峯高氣淨明為將棲息屋初成詩書易禮皆長物水月
松筠詎世情

數曲寒流數疊山小亭如在畫圖間歸來無復青雲夢只把
琴書竟自閒

原韻二絕

景河樓

上全

千五百年後二程夫子生詩書易禮整風雲金玉成澗柳春

光好池魚水氣清故能看妙處真使後迷醒
原韻

枕碧亭

竹窩金時瓚所構在花木里

吾廬吾愛草為廬計拙平生性本疎獨有明窓書一架托留
心事六旬餘
男萬鉉晚休

流落曾何歲天南海一涯幽深花木里瀟灑竹林家可惜衡
門老誰知世閱華更來驅我去冬日已西斜
性齋許傳

觀術亭

三烈堂甘景仁尸祝地後孫所築在內洞

楸杉東畔起遺亭緬憶先徽炳日星再倡勤王披義膽七旬
廬墓泣柴形才微敢望紹修業追遠常瞻陟降靈孝悌知為
人道本觀瀾於水是丁寧

後孫在元
于友齋

吾祖當年觀術亭鄒篇此義揭如星居家孝友方為本報國
忠誠畢則形放海源泉者進取容光明月照精靈此身紹述
還多愧夙夜憂懷政靡寧

後孫東珪毅齋

龍山齋

于友齋甘在元怡怡軒甘在奎所構在盤龍山

地勝龍崗築一堂暮年爰得此身藏常瞻邱墓疚懷切迭唱
頌荒樂意長忍言邦社棄瀾變可愛山籬菊露香吾家舊有
三全訣勉爾兒孫進學方

于友齋

弟兄爰處築斯堂龍崗千年發秘藏山有松杉光墓近家傳
詩禮後擅長引澗蒼崖觀活水時花小塢挹幽香晚向靜中
求志業三全遺訣不迷方

怡怡軒

緬仰先楸肯此堂天慳勝地百年藏慈孫有道箕裘繼名祖
垂勲帶礪長詩書滿架羣英聚龍象盈庭大力香山河舉目
今何世將此三全老一方

晦堂張錫英

長山齋

下廬黃德吉尸祝地後人所築在上福里

堂與山名一貫長陰崖花木始逢陽殘微誠力經營日並賜
華啣遠邇鄉襟珮登臨滄舍禮省圖遙帶斗湖光先祖當年
食米地惟吾夫子備邊觴

傍孫洙建

山名特與道心長扶得吾林一線陽下廬夫子藏書地上祖
當年食米鄉楣鐫日省遺圖說軒帶斗湖秋月光寄語郡賢
兼姓裔請遵儀式備邊觴

小訥廬相稷

面南

面北

慕本齋

默隱朴東信杖屨地後孫所築在乃谷

百載經營屋數椽雲烟依舊此峯前
追誠尚闕先塋護垂戒
無窮後世傳月色逢留園裏竹
琴聲瀏亮石澗泉秋霜春雨
如將感陟降洋洋見肅然

曾孫禎圭

思令齋

嘉善黃在秀杖屨地男琪性所築在岱山里

檜山昌閣岱山陽誠孝謀同始
肯堂寓慕美塋爰有所回顧
林壑倍增光楣扁波活臨宏筆
樑頌雷謹唱偉郎願使來來
仍勿替令名垂後振遐鄉

安字重

遠慕齋

海逸金億南杖屨地後孫所築在乃谷

憶昔先人流落初晦藏泉石以占居
松杉地閔堂封處素梓

年深灌植餘瞻慕有懷因築室裕承無計為儲書霜棲露沐
靈如在日夕蒼嵐遠襲裾

後孫應琪秋圃

景雲齋

告寓金碩鳴杖屨地後孫所築在乃谷

追思先世遠而長南渡門楣久不光薄德難承垂緒業佳謨
惟在貯書床百年宰樹依山處一日成茅向水陽露沐霜棲
瞻眺際杉楸自老入蒼蒼

後孫容禎

雲齋新築峽雲長依舊門欄復有光耆老迎賓時挈榼兒童
習禮日盈床園松晚茂常春氣簾月光明近水陽一片靈區
嘉遯地武陵山色立蒼蒼

金悌源

小山齋

小山金琦浩所構在沙巴丁

面南上

小山山下築吾亭為愛文山特地青夜靜高開明月戶春來
閒掃落花庭荒田未學先人稼短架空留古聖經惟有蒼天
頭上在一心恒畏自卑聽

原韻

逍遙亭

金璫英所構在加音丁

僅成亭榭逍遙遊半世煩襟欲滌愁堪愛溪山無恙老為憐
花樹盡清酬蓮潭雨細魚成隊石井雲收鴨露頭苔蘚滿庭
松逕暗還羞高躅日相求

原韻

莊生閑卷逍遙遊斥鴳鵬未始愁一笠亭成滄海豁四時
花發故人酬金丹歷歷春隨手漁釣閒閒雪滿頭千里寄聲
須記取他年膏秣定相求

于堂尹喜求

兼山齋

晚山裴炳元所構在大壯里

晚暮休官入此山百非纔覺已蒼顏壯年書劍功何有李世
行藏義亦艱前聖儀文千載遠先天日月一區間師門旨訣
在敦艮止處知之胡不還

原韻

師門旨訣重如山學止多年踏實還精看鼻白持身謹收養
心丹着力艱棟成自有琴書樂室靜須知啓處閒定后下功
安慮得至誠能下鬼人關

觀川裴錫夏

日新齋

靜庵卞南龍尸祝地後人所築在日岩里道山
堂前

積石三峯氣積真茅齋寄在澗之濱雲開問道山前月樹老
藏兵洞裏春連屋書繡燒短燭循除水活滌愁塵提醒賴有

面田鎮

面東熊

高人筆義取湯盤日日新

後孫王洙又淡

茅棟數間境得真三峯之下小溪濱藏兵洞古追先烈問道
山深愛晚春欲到百年無過地休教五內或生塵欽哉念念
名茲在筆訓丁寧揭日新

後孫應洙志齋

檜溪堂

月巖權龍見尸祝地後孫所築在檜溪

欄干徙倚望先楸吾祖遺風吹不休百行源中魚躍水一杯
隴下翬飛樓春秋霜露愀然感晨夕魂靈儼若留小子那堪
追慕意百年香火某山邱

曾孫正來慕軒

小子登斯日油然孝悌心儀瞻籩豆薦香襲檜松森輪奐室
堂地經營歲月深千秋公議在濟濟幾青襟

後孫厚竹下

歸老亭

志齋下應洙所構在藏兵洞

錦紋之嶂王流溪天借幽人此地樓長夜乾坤猶得月滿城
風雨亦聽鷄脩竹心清垂露重老槐陰碧入雲低莫言山漢
全無事塊墨時時遇石題

原韻

樹色山容擁碧蒼碩人邁軀此爰臧豆籩有楚光先烈繩墨
無違牖後昌脫略功名如弊屣沉潛書籍倚胡床試看巴峽
源源水一片心期許共長

一山趙昂奎

寒水亭

又山李世甲直齋李世祿杖屨地兩家後孫所
築在梨木里

占取靈區德有隣繞亭寒水碧如春朝霞暮靄聊同趣霽月
光風更得真百世羹牆惟孝感一村花樹諒情親箇中誰識

金海

面海金

無窮樂暇日昇堂意便新

傍孫勉宰

驚子樓

在郡衙東

駕洛遺墟幾見春首王文物亦隨塵可憐驚子如懷古來訪
高樓喚主人

東浦孟思誠

涵虛亭

府使崔潤身所構在驚子樓北

風涵水涵月太守一片心虛屬賓樽載妓樂悠然趣入太
虛

濯纓金駟孫

會老堂

在駕洛王陵東

金陵往事與誰論千古猶存首露墳龜背曲亡人不見伽倻
琴在妙堪聞銅駝舊里山如戟翁仲遺墟樹似雲百六十年

能享國可憐荒龍幾斜曛

四佳徐居正

靈雲齋

舍人魚泳瘠杖屨地後孫所築在靈雲里

築斯齋閣述其文先祖高風迥不群百世功名傳簡策永年
觴豆薦馨芬三叉江濶涵明月萬丈臺虛宿暮雲不是登臨
徒寓慕願言承業做勤勤

後孫在泳蒙泉

三友亭

許烈許焜許煒挺點焜男澤壕所築在內洞

郡城西北慶雲岑卜築先亭倍感心兄弟島邊雲漠漠祖王
陵畔草深深園中風樹曾多恨床上塤荒久寂音今我居然
泉石主賓朋詩酒好相尋

澤

一床三棧讀書岑瞻望多年寓慕心買築舊基亭始就養成

下東面

叢樾境還深那堰風樹終身感宛聽絃歌隔世音
況復二陵松柏近古今遺蹟并追尋

壕

山海亭

南冥所構後人重建在酒同里

講道存誠苟日新先生亭宇燭來人環山絕壑留元氣放海
波瀾出世塵衿珮絃歌三紀永圖書杖屨萬年真戊寅文運
重回振小子欽惟七十春

曹鍾應

歲再庚寅棟宇新介然蹊徑見行人喬松脩竹含精彩白石
蒼苔絕世塵無意芬華何事樂持身敬義自天真先生不怕
嚴陵笑每欲棹舟向富春

許燦

安仁堂

酌翁曹九齡所構在酒湖里

負山臨海卜居幽山自盤迴水自流三島雲閑波萬里七峯
仙去月千秋漁村海市依依遠楚柁吳檣點點浮放浪一生
何所事且將閒適任遡遊

原韻

蕨峴齋

西岡金係錦尸祝地後孫所築在新龍里

西山之後又西山千載高名伯仲間薇蕨有歌同是怨巖阿
招隱豈真閒猶餘古老相傳口藏得遺臣不改顏悵悵越樓
明月裏子規多事夜啼還

海山曾深

永守堂

安基洪秋屨地男曾錫宗錫圭錫所築在荷溪里

永言孝思築斯堂松栢青蒼護一方翁仲在傍苔蝕老孫仍
紹後陟綿長孜孜綴緝其營歲噲噲通明欽位陽賓飲占閒

兒讀靜於忘何用不攸當

圭錫荷漢

繼往開來築一堂嘗東詩禮復南方巖空雨過螺形拭庭樹
雲深鶴夢長文酒良朋今謝子林泉居士古東陽逍遙永夕
修情好真樂閒閒孰有當

碧桂金浩龜

棹峯齋

海隱廬漢錫祭閣在大甘里

金陵我族祖茲瑩山下齋廬得晚成楸櫟從今便護養必芬
於此盡齊誠登軒追慕皇明義拜碣如新正憲榮敢用短詩
楣上揭秋霜春雨感懷縈

後孫在一

蓮峯齋

蓮峯金瓚奎杖屨地孫然植所築在蜂發里

蓮峯之下洞天明十載經營一屋成栽柳蒔花春雨過塢琴

賒酒午風清生平自愛承先志老去尤知篤友情滿架詩書
真活計永令兒子振家聲

男瀆準

龍鳳齋

樂齋廬振巘所構在金谷

為愛溪山僻處尋茅茨初剪棟梁臨築土培篁看鳳啄穿林
灌水聽龍吟欲令當世賢英聚並許羣蒙講業深濟濟青衿
論吐席愧余愚魯野人心

原韻

三才參得曰唯人負荷中間策勵新學古齋成多

缺述讀書

樓起竦儒紳加工進進能踰閼精義循循自入神才俊提撕

真一樂天南奎彩際昌辰

松窩安命夏

可南亭

紫峇廬文弼杖屨地後孫所築在金谷

昔壇今舍可南亭金谷村中最勝形花樹春深千戶蔭杉楸
歲晏一岡青嘉名取得龜山道旨訣受來鷗谷經寓慕章繼
擬會講前規無替備觀聽

後孫在道

湖隱齋

湖隱金東紘所構在金谷

洛東江上一山村老悖經營築小軒自愛林泉依舊傍惟知
松竹至今存滿床書籍同師友數畝田園聽子孫出處吾行
無所據常平憂樂與誰論

原韻

天山齋

大訥盧相益所構在金谷

屋上青山山上天取諸其象遜經篇退藏伸道惟君子逢速
隨時是聖賢一死未能漂萬里孤忠難效恨殘年而今無復

義皇夢所夕關門獨黯然

原韻

洛山齋

來判金得器尸祝地後孫弼鉉洪詰漢錦所築在明洞

先生節義重於山日月昭昭墓閣間神靈陟降欸如見賓主
團欒禮接顏勁松滿壑村容肅喬木凌霄野色閒省掃年年
花樹會奉先敦族頓忘還

大訥盧相益

蓮岡齋

一名小心亭小心盧愚淵所構在新泉

人皆多失歛初心接物闢萌利欲心自古聖賢何所業平生
不易稟天心

原韻

友松亭

友松曹裕承杖屨地男秉勲所築在御屏里

杖屨曾經卜築新登臨無日不思親賒樽邀友閑三逕出耕

菜山面

觀豐共四隣近水窓櫺來皓月滿庭花木驗陽春歲寒猶有
貞姿在只願兒孫善繼人

東勲

思令齋

魚用彩杖屨地男在泳所築在九朗里

寶蓋山前闢此堂松杉鬱鬱多晨望佳謀何敢三年改遺裔
相傳百世芳古人猶有終身慕小子焉能一刻忘思令扁楣
追聖訓日強功效戒先莊

男在源

十載蓼莪一舊堂朝朝九朗白雲望偏驚春草晴餘色幾泣
寒梅凍裡芳裕後佳謀那不奉泰先錯行愧常忘揭虔新葉
瞻依隴付與兒孫萬世莊

在泳

志思齋

申在圭杖屨地男鉉睦鉉斗所築在智士里

秋霜春雨感年年為築墳庵置祭田古桂月明逢鶴返古岡
天佑卜牛眠謨猷勿替垂來後瞻望如新陟彼邊在上英靈
應監格無憂歸伴九京仙

郁齋宋鼎學

華山齋

參奉李周國杖屨地男慶鉉弘鉉所築在官洞

先靈陟降在茲山十載經營屋數間顧此菟裘為舊業爰渠
松柏獨真顏莫教累俗來相亂願與佳賓咏以還牖孫又有
嘉猷在滿案詩書日月閒

慶鉉

春花洞後即吾山有赫英靈臨此間肯構不須謀衆目升堂
如復拜親顏軀骸祝貫千秋在陰嘏期通百代還戒爾兒童
傳勿墜元來非為養身閒

弘鉉

長有面

盤谷臺

渚隱李弘鉉所構在新安

澗水新安廣石盤至今矣是等閒看尋涼拂暑資以汗問柳
隨花過盡懽數架構成功訖告一枝棲息膝容寬倚軒追述
韓公序先獲吾心矣考槃

原韻

築室于盤名以盤知君心事在盤桓李愿古人今渚隱太行
深谷是新安百轉灘聲聲聞世千重山色護危欄南岡盡日
為歌送桂樹團團松栢闌

博士李起住

道岡齋

石湖宋祺默所構在道岡里

十載經營起小亭箇中興感愔前形一門宗族周旋地累世
先靈陟降庭半畝清潭當戶白滿園嘉木入簾青登斯勉勵

蔚山

蔚山面

熊村面

孱孫戒無忝遺謨自聖經

原韻

太和樓

在鶴城館前

丹檻臨官道蒼波隔寺門
喧闐車馬送歸軒歌吹日來繁
細雨花生樹春風酒滿樽
古今離恨月黃昏漁唱起前村
雪谷鄭誦
形勝吾州說此樓絃歌徙倚總名流
閑雲浦濶天低處隱月
峯高地盡頭遙望京華依北斗
壯遊山海記今秋簪花駕鶴
無消息極目烟波萬古愁

大峯楊稀枝

在川亭

竹塲李觀吾所構在石川

數間亭子碧山坡溪水潺湲樹影斜
浮世功名羞冕紱晚年
痼疾在烟霞江湖時過尋常客
榮朽春閒八九家三疊蒼岩

三南面

朝暮對從吾所好俗心遐

原韻

吾祖東岡此間坡為栽林木補歌斜山光夜夜虛明月水氣
朝朝斷續霞解紱昌辰非忘世執經諸子若歸家朽顏改輯
追先志屋宇如新杖屨遐

曾孫奎龍老石

鳳陽齋

秋岡辛希遠辛希迥辛希建杖屨地後孫所築
在旨朗里

瀟灑先亭對鳳岑孺孫寓暮日登臨松老懸崖看鶴舞溪流
成瀑聽龍吟但令濟濟書生聚肯許紛紛俗子尋春露秋霜
追遠席一門花樹共歡心

後孫相賢

景義堂

鄧制使金沂明杖屨地後人所築在新華里

山光水色轉分明遺像虛堂肅更清西勢雖強猶敗衄北門

能鎖作長城釣魚臺畔浮雲暮走馬堤邊碧草生尚記訓辭
留在耳百年惶愧墜家聲

姪孝東

梁山

面東

節序裡嘗用是清周旋攀陟聲非誠始知祖考貽謨在豈謂
兒孫有志成種樹年經春過握引泉勢遠夜分聲江湖善類
相傾蓋賀語紛為此日榮

教桓

高絕能如道院清懸丁翰麓殫心誠為山到何難休簣創業
雖艱待守成鐵馬秋晴看黛色梵魚夜寂聞鐘聲贈詩不願
紗籠美隨例題軒已幸榮

晚松李載克

旨庵齋

旨庵金禹權扁名男炯潤所築在花濟

面西下

東萊

面下沙

花山半倒洛江頭詩思支離夢逗遛從此深知三益誼緣何
刺得百年遊滿簾寒月傷心轉入戶清溪激恨流也識前秋
團會席長歌短律頓忘憂

原韻

念修齋

梁繼南杖屨地後孫所築在平林里

新築墳庵為安魂休言萬一報深恩人如無祖身何有木本
其根水本源

後孫在日晦園

神草開心筆醒魂病夫遠荷故人思念修西字揭齋額枝茂
應從培本源

艮齋田愚

鶴山齋

博士梁在日所構在堂里

衰年幸我此經綸重講前書覺實真堂釋有靈陰護境臺仙

不老好為隣聖朝文物曾何日長夜乾坤更欲晨多謝諸君
相羽翼秋晴鶴塾會彬彬

原韻

釣耕臺

桐江林景澤粧點在龍水洞

名臺高出洛江頭先祖當年此隱求古壁雲晴看舞鶴平沙
烟捲柳盟鷗投竿自有閒中樂操耜那關世外愁寄語兒孫
長守護登臨慎勿等閒遊

後孫 震根

文山亭

碧溪吳相毅粧點在瓦余

先人底法在當年粗遂志焉敢繼前竹記人稀迴短麓荷池
魚呷注清泉黃栢露涼心怵愴柴荆春暖樂團圓燎毛至訓
能知未更願兒孫永世傳

男機泳

鐵馬面

龜浦面

固城

面岩馬

面萬九

鷺山亭

天山齋許千壽所構在章山

滿天寒月渡江來
因把漁竿上釣臺
餌暗絲明魚不受
故教人影共徘徊

原韻

相對究經未盡談
那堪今日送征驂
峨洋琴上歌招隱
人在天山月在潭

龜巖

興學齋

蘇湖崔均蘇溪崔垞尸祝地後孫所築在道山堂東

百年花樹覆清陰
有箇翹翹秀藝林
是日鸛堂襟佩苑
前塵鹿洞水雲深
莫教強覓巧新句
且得常存真正心
我愛諸君期更遠
來詩三復屬餘吟

後孫正基可川

海亭

僉樞崔秀岡所構因為號在花村

匹馬來尋海上翁
青山當戶水連空
崔仙去後崔仙在
明月清風把握中

澗松

桂山亭

東庵金定八所構在德巖

山容寬後又恭前
棟我新茅石我泉
世界塵烟浮在下
洞天風月朗無邊
收心入靜存斯養
進步當高攀可緣
地近遊人難上處
胸涵灑落眼醒眠

原韻

可川亭

可川崔正基所構在清光里

脫俗窠來逐木魚
青山有約接起居
流光荏苒三秋近
討靜方才一月餘
易象文中紅日晚
寒蟬鳴裏夕陽疎
閒來轉覺還多事
品草評花續古書

原韻

介川面

面一下

臨淵亭

參奉崔泰淳所構在鶴洞

久擬殘年作逸氓臨淵屋子此經營源頭水積方塘濶雲際
峯高數笏橫吞墨游魚知舊樂含泥語鶯賀新成登斯自有
油然想兢戰何時不顧名

原韻

盛代何妨作逸氓海山深處好經營閨樽正對南溟濶撫劍
時看北斗橫君子藏修爰得所真人許活不離成壁間大揭
臨淵字分付兒孫顧厥名

南黎許愈

西扉亭

西扉崔宇淳絕筆時扁名後人所築在鶴洞

霜簷偏悲烈士秋被蒼胡忍陸沉州一生不變南音操百死
那忘北望憂竊念臣民今日義難容天地此身謀殷微採採

歌安適西我山扉獨掩留

原韻

泗川

大觀臺

龜巖李楨所構在龜溪

眼底滄溟濶山前綠竹清風雲千載意臺上此時情 原韻

謏聞偏見世爭譁渭水涇流各自多試上高臺省遠大聖門

論道更如何

退溪

鵲島精舍

退溪先生遺蹟後人所築在鵲島

鵲島平如掌鰲山遠對尊終朝深莫測自古理難原呼吸地

為口往來山作門古今多小說破的竟誰言 原韻

練江亭

練江齋文後所構在金城

千尋峭壁一高亭南服藏修歲幾經鳳去閒簷依古石龍潛

明冕

西浦面

泗川面

面

河東

花開面

統營

老樹卧空汀才子琴書新趣味
先賢杖屨舊儀形明月時來
心界淨烟波如練繞蒼舂
近水巖鄭翼

岳陽亭

一壺先生所構在德隱洞

一掬歸心天盡頭岳陽無處不清幽
雲泉歷歷偏供興軒冕
悠悠惹起愁杜曲林塘春日暖
輞川烟雨暮山浮書筵每被
摧三接辜負亭前月滿舟
雷溪俞好仁

雲溪亭

雲溪金命紀所構在德隱洞

溪上點雲起油油雨八竅亭前勺水去
不捨放河灣嗟予儒
子業希舜復希顏欲致精微域無慵
一息間 原韻

制勝堂

忠武公李舜臣所構鄉人重建在原韻三絕

開山島

水國秋光暮，驚寒鴈陣高。
憂心展轉夜，殘月照方刀。
右夜吟

誓海魚龍動，盟山草木知。

右無題

閒山島月明，夜上戍樓撫大刀。
深愁時何處，一聲羌笛更添愁。

右歌

崇武堂

忠武公尸祝地，後人所築在忠烈祠前。

山海崇深忠武祠，謳吟此地千秋思。
艤曾有屋如乘馬，民不見兵但養兒。
功成身逝應無恨，月黑水清祇自知。
奇勲每讓陳提督，天詔煌煌下賜時。

判書申正熙

嶠南樓亭詩集卷下終

昭和十一年四月三十日印刷
昭和十一年五月七日發行

版權所有

著者兼
發行者

李

明

杰

安東郡禮安面東部洞

慶南密陽郡密陽邑內一洞

印刷者

孫

興

印刷所

發行所

密陽印刷合資會社

安東郡禮安面東部洞三五番地

城東書室

